





# IANI PELVSII CROTONIATAE

AD PROCERES CHRIS-  
tianos cohortatio.



*Biblioth. Pontif. Schol. Piarum*



N E A P O L I.  
Apud Io. de Boy. 1567.

112 VOL 131 1841

1841

1841

1841



1841

2  
IANVS PELVSIVS CROTONIATA  
in detractores.

**T**heones, Criticiq; Zoiliq;  
Qua (malum) ratione, quauē causa  
Libros carpitis hos, & hos, & illos?  
Quos Phæbi auxilio, & nouem sororum  
Auctor optimus hic, & ille fecit?  
Putatis temerarij licere  
Vobis rodere sic bonos libellos?  
Si meos lacerabitis labores,  
Non impune feretis: hoc, & illud  
Vestrum flagitium, improbumq; factum  
Sirletus decus omnium virorum,  
Quos Calabria nostra procreauit,  
Vlciscetur: ab urbibus Latinis  
Vos ad Barbariæ fugabit antrum.  
Hoc si supplicium ultione tanta  
Vobis esse videbitur pusillum:  
Vos Phæbus dabit inferas ad oras,  
Vnde iuncta sororibus Megæra  
Nulli dat Superas redire ad auras.

Idem ad Lectorem.

**S**ic te Tonantis orta Pallas vertice  
Benigne lector adiuuet,  
Hoc in libello si quid offendes meo,  
Aures quod offendat tuas;



**I. A. PELVSII CROT.**

**N**e viperino dente, ne veru impete,  
Sed optimam in partem accipe :  
**E**rrata vel nota, aut (bonum vt decet virum)  
Verbis amicis me mone :  
**V**t viuus emendem, malignus negligis?  
Tungisq; pertinax magis?  
**E**edem manere te vices ipsum queant,  
Si quidpiam vnquam scripseris,  
**S**upplex rogabo cœlites. tantum nefas  
Nulla expiatur victima.

**FRANCISCVS CHRYSARIVS IN**  
**Iani Pelusii Crotoniatæ orationem pro Melita**

**Q**uid cessas? quid non sitientes influis aurès?  
**A** Momo nunquid siue Theone times?  
**S**ubsidio Regis Melite seruata Philippi,  
Posthac horrebit Parthica tela nihil.  
**Tu quoque pro Melite numerosa vagaberis orbe**  
**Concio. Sirleti tuta patrocinio.**

**FVLVIVS PELVSIVS CROTO-**  
**niata Ad Ianum Pelusium Patrum.**

**I** Procul, procul i, calumniator  
**H**abes ordine qui vno & hunc, & illum:  
**A**n putas ( mihi quod nimis molestum est )

# COHORTATIO.

3

Scriptorem stupidumq; , plumbeumq;  
 Hic, ut in reliquis libris videre?  
 Fallit te ratio, a viaq; aberras,  
 Hic Pelusius est Crotoniata,  
 Qui ut est carmine proximus Catullo,  
 Sic vestigia Tullij sequutus,  
 Multos post se alios satis reliquit  
 Longo interstitio viros. Apollo  
 Illum perdocuit chely: elegantis  
 Artes Mercurius dedit loquendi,  
 Ut Græcos foret inter & Latinos  
 Rhetor optimus, optimusq; vates.  
 In suis bona sessitat labellis  
 Pitho: & carminibus potest mouere  
 Thracum pectora dura barbarorum,  
 Austrum sistere, & Aesarem morari.  
 Fortunate quater, quater beate,  
 Iane patre, docta per virorum  
 Viuis ora volabis hic, & illic,  
 Europæ, atque Asiæ, Africaq; gentes  
 Dum noster fluet in salum Neæthus,  
 Euentu nimis editum secundo  
 Legent aureolum tuum libellum.

IOANNES SANCIVS IUNIOR  
ad Ianum Pelusium praeceptorem suum.

*Dum poma Autumnus, dū flores tempora veris,  
Dumq; æstas æstus, frigus habebit hyems:  
Hæc tua Pelusi doctissime concio viuet:  
Æternumq; ibit docta per ora virum.*



4

GV LIELMO SIRLETO  
CARDIN. AMPLISS.

Ianus Pelusius Crotoniata, S. P. D.



*V* M duos abhinc an-  
nos Melita satis lato  
ab Sicilia freto dis-  
iuncta, in maximū  
periculum, ac ad ex-  
tremum penē discrimen  
esset adducta; ne  
a barbaris Scythis,  
qui eā terra, mariq;  
vehementissimē op-

pugnabant, occuparetur: magno cum animi do-  
lore hanc oratiunculam conscripsi. Qua pro in-  
genioli mei viribus Proceres Christianos horta-  
bar, hominib. miserrimo difficillimoq; tempore  
laborantibus succurrerent. Eam non habui, ha-  
biturus alioqui, si principes ad quos potissimum  
mea spectabat oratio, in vnum locum, vnde om-  
nes me dicentem exaudirent, cōiysent. Sed quā  
do id neque fieri potuit, neque ( vt video ) fieri  
potest, & ego iam pridem tibi sapientissimo & hu-  
manissimo Cardinali aliquid de studiorum meo-  
rum officina depromere cogitaueram: volui vt in  
suo nomine tanquā meę in te observatię testimoni

I A. PELVS. CROT.

um, animiq; certissimum pignus appareret in lucem. Sed cum nihil afferat, præter insolens, aut ineptum ad illorum teretes & religiosas aures, qui aut dici se desiderant Ciceronianos, aut ita Ciceronianè dicunt, vt ne ipse quidem Cicero eloquentiæ deus magis Ciceronianè dicat. Summopere mihi verendum est, ne a Momis qui nihil ipsi edentes, aliorum opera carpunt, vltraq; crepidam semper arguunt, non miniata cerula, sed atro carbone pluribus locis notetur. Confugit igitur ad te, tanquam ad tutissimum asylum: non est digna (non inficior) quæ in apertum proferatur, quasi aut illud simulachrum Iouis Olympij, aut Coæ Veneris statua. Quid enim venustatis, & leporis habere possunt ea, quæ succisuius horis scribuntur ab homine occupatissimo, & in rhetorices & philosophiæ studijs, quæ efficiunt quem querit Brutus eloquentem, parum versato? Per eruditionem, & humanitatem tuam te etiã atque etiam obsecro, & obtestor, sublato timore, quo miser angor, effice nequid periculi ab huiusmodi monstris hominum mihi creetur. Quod si à te factũ esse sēfero: reliqui ingenij mei partus qui nunc præ metu Criticorum, domi in scrinijs delitescent quamprimum tuo nomini nuncupabuntur. Cui enim melius nuncupari debent quàm tibi? qui Hebraice, Græcæ, & Latine linguæ

## COHORTATIO.

5

*es scientissimus, tuaq; virtute ad eum dignitatis  
 gradum ascenderis, unde tua singulari doctrina,  
 & vitæ sanctitate, non ficta illa quidem, sed te-  
 cum nata, atque educata, veræ religioni pluri-  
 mum prodesse potes. Speramus si tibi vita diu-  
 turnior data fuerit, Rempub. Christianam, quæ  
 nunc Pij Quinti Pontificis Maximi incredibili  
 providentia sarcta, testaq; regitur; in pristinum  
 statum vindicandam: & vulnera quæ superiorio-  
 rib. temporib. accepit, ita prorsus sanatum iri, ut  
 obducta iam cicatrice, nemo amplius illa possit re-  
 fricare. Interea mihi qui hoc leuidensæ munu-  
 sculo me totum tibi in clientelam, & fidem tra-  
 do, vel viuenti, vel mortuo, aliquid beneuolen-  
 tiæ tuæ in omnes literarum studiosos inge-  
 nuæ, ac penè singularis, imperti. Va-  
 le. & optimo viro, & homini do-  
 ctissimo Dominico Pizimentionio  
 meis verbis salutem dicito plu-  
 rimam. Neapoli pri-  
 die nonas Iulij.*

M D LXVII.

*Ad eundem.*

**S**irlete nostri magna seculi gloria,  
Decusq; dulce præsulum,  
Quotquot tiara rubra crineis contegit,  
Alijsq; in annis conteget,  
Nostros labores quos fauente Apolline  
Conscripsimus, cum barbari  
Scythæ mari terraq; cunctis machinis  
Melitam oppugnabant insulam,  
Manu benigna sume, fronte perlege  
Lata: dicamus hos tibi,  
Non ut decoris quidpiam rebus tuis  
Addatur: hoc enim foret,  
Ut si quis vnquam vasculo vellet breui  
Fontem profundum claudere:  
Sed ut clientis conscio incompta hæc tui  
Tuo fauore comptior  
Exiret in lucem: ac procacium virum  
Procacitatem temneret.

*Ad Gulielmum Sirletum Cardinalē amplissimū  
Ianus Pelusius Crotoniata.*

**S**irlete magnum Gratiæ magnæ decus,  
Si Gordū, vel Attali  
Auro valerem prorogare terminos  
Vitæ fluentis, omnibus

Rebus relictis, aggerando strenuus  
 Auro vsque & vsque incumberem:  
 Ut quando Mors veniret implacabilis,  
 Abiret, & me linqueret  
 Auro recepto. Sin potest viuentium  
 ( Ut ipsa res clarè indicat )  
 Vitare nullus Mortis vncos ferreos  
 Auro: quid aurum me iuuat?  
 Ergo ipse Graijs, & Latinis litteris  
 Vacabo noctes & dies,  
 Quæ solæ auaras Ditis eludunt manus:  
 Viuumq; dant nomen viris.  
 Hoc prouidus vel ipsa ab vsque infantia  
 Præcaueras, nec spes tua  
 Te fallit vnquam: nam futura posteris  
 Sacrabit ætas te: leget  
 Quæ scribis orbis totus: ac amabili  
 Perfunctus æuo Nestoris  
 Sedes beatas ibis ad cæli pius,  
 Ad Sempiterna gaudia.

Ioannes Baptista Arcucius Neap.  
 ad Ianum Pelusium.

C Vt non in lucem profers Melitensia bella  
 Pelusi Aonijs gloria summa chori?  
 Ne dubita: nanq. inuito tua carmina Momb  
 Egregijs possunt iure placere viris.

I. A. PELVSII CROT.  
IANI PELVSII CROTO-  
niatæ ad Porceres Christianos  
Cohortatio.



*I* ea essem sapientia, ea di-  
cendi vi, atq; auctoritate  
Procere Christiani, qua  
olim fuisse fertur quicum-  
que ille fuit, qui sola ora-  
tione in agris homines pas-  
sim bestiarum more va-  
gantes, in vnum locum  
congregauit, & ab agresti, feraq; vita, ad ciui-  
lem & humanum cultum auocauit: ea quæ vel-  
lem, quæque maximè optarem, regibus Christia-  
nisq; principibus facile persuaderem. Sed cum  
eum me esse intelligam, qui neque ingenio vale-  
am, neque eloquentia, neque doctrina, & quod  
ad hanc rem plurimum pertinere arbitror, sim di-  
cendi imperitus, & concionandi exercitatione  
minimè assuefactus, quàm multos fore putatis qui  
meū factū reprehēdant? quàm multos qui mei cō-  
siliū rationem improbent? quàm multos qui me au-  
daciæ arguant? quàm multos qui plenum temeri-  
tatis fateantur? Cum tamen quæ res agitur, sit  
grauis, necessaria, maximi momenti, periculo

autem & calamitate Sanctæ Romanæ & Catho-  
licæ Ecclesiæ perniciosissima : id quod facio, liben-  
ter facio. Non enim nunc tractamus vt aculeata  
sophismata, inanes argutiæ, inutiles quæstiones,  
leuiâq; argumenta in disputationem inducantur.  
Sed hortor multos dynastas, multos reges, mul-  
tas ciuitates, populum Christianum totum, vt præ-  
fecto, & militibus diui Ioannis Hierosolymitani  
terra mariq; obsessis, desperatisq; ob omnibus,  
opem auxiliumq; ferant. Quod vt studiosissime  
facerem, duæ me res vehementissime coegerunt.  
Vna vt nostræ religionis amatorem, verèq; pie-  
tatis cultorem me esse profiterer, altera vt eos po-  
tissimum ad hanc adhortandi prouinciam susci-  
piendam inuitarem, ac excitarem potius, qui ma-  
gna prudētia, vsu, & tractatione dicendi præditi,  
auditores quò volunt rapiunt : & non in aliorum  
sententiam manibus aut pedibus discedere, sed  
alios ad suam nullo negotio perducere consueue-  
runt. Quæ cum ita sint, hanc veniam peto, vobis  
nec inuilem, nec iniucundam, nobis valdè ap-  
tam, & accommodatam, vt mihi de re iam pro-  
posita dicenti benignas, attentas, & patientes  
( vt facitis ) aures præbeatis. Atque vt inde ora-  
tio mea proficiscatur, exordiumq; capiat, vnde  
hæc omnis causa pendet. Solymanus Rex Asiæ  
potentissimus qui vt lingua, religione, fide, & le-  
gibus,



# I. A. PELVSII CROT.

gibus, à nobis sic immanitate, perfidia, armis, et odijs diffidet, inexplebili sui proferendi imperij cupiditate inflammatus, & ut ex instituto Othomannice prauitatis immanibus suæ gentis latrocinijs viam aperiret, aditumq; sibi ad Italiam patefaceret. Pialim et Mustapham viros natura feroces, maximè strenuos, & militari industria claros, alterum classi, alterum terrestribus copijs præfecit: ac utrique more patrio bene precatus, iussit portu soluere. Què prosperam nauigandi nausti tempestatem, Acarnaniæ ac Epiri littora legentes, Corcyram, insulas Diomedæas, Lacinium, & Epizephyrium promontoria secundo vento præteruecti: breui in Melitam peruenere. In qua nunc Burgum aptissimam ad bellum contra nos faciendum, instruendumq; urbem noctes & dies graui obsidione urgent, obsident socios & amicos nostros, oppugnant præfectum diui Ioannis Hierosolymitani, agros prædantur, pagos exurunt, hostes teterrimi Melitensibus omnibus seruitutem, tormenta, vincula, cruces, cædes, omneisq; calamitates, & misérias mimitantur. Quod rei ipsius caput & summa sit, videtis: quid agendum sit breuiter considerate. Subsidiū obsessis quādo eorū fortuna afflictā, perditaq; in maximū periculū ac ad extremū penè discriminē adducta est: sine mora, celeriterq; summittere necessitas ipsa iubet, cogit,



imperatq; . Quo modo, quauē ratione, et via sum  
mitti possit: nō meū munus, meaq; partes sunt, sed  
eorū, qui sciētia rei militaris, vsq; bellādi pstant.  
Qui quidē cū vel p certissimos exploratores, vel  
fidos trāsugas, captiuosq; cognoscūt, vel à socijs,  
et amicis, literis et nūcijs certiores fiunt, vel ipsi  
potius cū ad rē præsenti ventū est, circumspiciunt  
quo in loco confederint hostes, quæ habeāt amica,  
quæ inimica, quæue occasio cōmittendæ pugne de  
tur, sua cōsilia, et rationes facili explicāt, atque  
expediunt. Simul & illud a me alienū puto, quo  
tēpore, qua parte insule subsidiarij milites exponē  
di, quāto copiarū numero opus sit, vnde his cōmea  
tus suppediādus, ceteraq; res ad bellū necessarię  
subministrādę, noctu an interdiu, per vim an per  
dolū aggrediēdus sit hostis. Hæc & multa alia  
hmōi, si nūc pro captu mentis & iudiciū mei ratio  
ne pdocerē, fieri possit, vt dū prodesse cuperē ob  
sim. Rerū enim status quibus cōsilia omnia prudē  
tię et fidelitatis plena accōmodari, adhiberiq; de  
bent, nunquā in vno eodēq; loco cōsistūt: sed assī  
duo semper motu fluunt, et huc atque illuc conti  
nenter feruntur. Ergo hoc in magno negotio,  
memoriaq; digno, viris ab ineunte ætate in  
studijs bellicis non parua cum laude versa  
tis, parendum est. Qui cum ere nata consilium

I. A. PELVSI CROT.

capiunt, tempori scænaq; seruiunt, quidquid gerendum suscipiunt, sapienter administrant, ad exitumque optatissimum perducunt. Ego quantum copia orationis quam intelligo quàm in me sit exigua, efficere potero, Christianorum omnium mentes ad obsessis auxilia mittenda, inflammatus ipse ad hoc & ardens, incendere & inflammare nõ desistam. Quod quidem si minus ex sententia successerit, minusq; assequi potero, hac vna re me facile consolabor: quod syncerè & audacter mea explicata sententia, quid in illos animi haberem declarauerim, & per me non steterit, quo minus quid in his summis de insula Melita rebus fieri deberet, ostenderim. Eia agite Christiani Proceres vt quisque maximè potest, ita maximè adiuuet. Diuites pecunia, sapientes consilio, viri graues auctoritate, fortes viribus, eloquentes oratione, pijs et religiosi precibus, lacrymis, ieiunijs: omnes per deum vna mente, vno animo, vno consensu, vno studio, vna voce, ad hanc rem maximi momenti & ponderis incumbite: & cum animis vestris cogitate, non vobis solum, sed alijs quoque genitos esse: ac vos in ijs quæ ad communem utilitatem salutemq; spectant, vigilare, & pro virili vestra laborare oportere. Negotium eiusmodi est, quod maximè omnium animos excitare, atque inflammare deberet. In quo agitur populi  
Christiani

*Christiani gloria, quæ nobis a maioribus nostris de manu ( ut aiunt ) in manum summa in re militari præsertim tradita est. Agitur vita equitum Hierosolymitanæ religionis, pro qua nullum laborem subterfugere, omnia pericula adire, multa, magna, graua, acerba, ac diuturna bella gerere deberetis. Agitur res multorum ciuium, multorum militum in vrbe, atque arcium præsidio locatorum, quibus a vobis consulendum est. Agitur salus totius Melitæ, quæ quidem insula loco, natura, & situ munitissima, pagorum frequentia, ædificiorum pulchritudine, viris præstantibus, maximeq; ad negotium Martis accommodatis, & agri fertilitate in primis nobilis, si in Solymani teterrimi Tyranni potestatem ( quod omen auertat deus ) redacta fuerit, & opere & munitionibus, rebusq; necessarijs ab eodem egregiè munita, nullis postea opibus recipi, nullaq; vi ab illius manibus in totius Christianæ Reipub. perniciem extorqueri posse intelligetis. Etenim cum hinc in Siciliam, in Brutios, magnam Græciam, Salentinos, Calabriam, Apuliam, & Samnium brevis admodum sit nauigatio, omnes hæ regiones piratarum iniurijs atque impressionibus maxime patebunt: quasi pontem quendam sibi facient, per quem transire in has terras pro libidine possint. Nullus in*

I A. PELVSII CROT.

otto littoreo tractu Christianæ diuionis locus, nul-  
lus portus, nullum oppidum, nullum municipium,  
nulla ciuitas, nulla colonia tam magnum, forte,  
ac firmum præsidium habebit, tam diligentibus  
custodijs v gilijsq; munita erit, vt se a prædonum  
vi & impetu tueatur atque defendat. His ego ne-  
farijs ac facinorosis piratis cum ingenti negotiato-  
rum nostrorum clade & iactura, in mari Supero  
ac Infero grassantibus nihil omnino clausū, nihil  
prorsus tutū fore video: peruadēt nō quò tēpesta-  
tum aut ventorum vis feret: sed quocunque aut  
effrenatæ audaciæ, aut furiosæ cupiditatis, aut ne-  
farie libidinis ardor & furor rapiet: aut certe  
speculatorijs myoparonibus quibus abundant, pa-  
tebit accessus. Stationes, promontoria, sinus, lit-  
tora, portus, vrbeisq; maritimas omnes inua-  
dent, capient, diripient, incedent, omniq; crude-  
litatis & ignominie genere afficient. Quotidie  
ad vos literæ perferentur, vestrorum sociorum  
atque amicorum pagos & vicus exuri: agros va-  
stari: armenta gregesq; abigi. Omnis ordinis mu-  
lieres virosq; ad eum diem male seruatos indignis  
modis accipient, atque illiberalissime tractabunt:  
infantes parietibus illident, virgines aut in sinu  
parentum ingulabunt, aut ante pedes constupra-  
bunt. Quod pectus tam ferreum? quod cor tam la-  
pideum? quæ mens tam adamantina vsquam.

reperiri potest, quam tam dira & feralis rerum  
 facies, in qua ne Cyclopes quidem & Læstrigones  
 immanissimi antropophagi lacrymas tenerent,  
 ad misericordiam non adducat? hoc spectaculum  
 tam horrificum ac luctuosum non moueat?  
 hæc calamitas tam exitiosa atque horribilis flere  
 ac lamentari non cogat? Memoria patrum no-  
 strorum ut ego sæpe Crotone à senioribus audiui,  
 occupata Hydrunte oppido maritimo Calabria à  
 Mahumete Turcarum Imperatore, admodum  
 graui, & periculoso bello Italia in campis Salen-  
 tinis exarsit: ut non modo Neapolitanum regnū  
 illi regioni vicinum, verum etiam ipsum Roma-  
 næ urbis Imperium ab ea remotissimum veniret  
 in periculum, ne ab Acomate illius præfecto oc-  
 cuparetur. Sed non sine magni dei voluntate,  
 immatura morte Mahumetes ereptus, utrun-  
 que tanto metu liberauit. Tempestate nostra  
 Dragutes archipirata multis editis facinoribus  
 clarus, & ad nominis orbisq; Christiani pernici-  
 em, pestemq; natus, quod Tripolim, Cercinam,  
 Lotophagitim, & Meningem, quam insulam vul-  
 go Gerbim vocant, & parua alia munita loca in  
 sua potestate habeat, quò se cum res exigit, tem-  
 pusq; postulat; tutò iure suo recipit: totum hoc  
 mare quod Europā ab Africa diuidit, impune ex-  
 currit, diripit, prædatur, atque ita mercatoribus,

# I. A. PELVSII CROT.

ac nauiculatoribus, nauigijs prædatorijs infestum reddit; vt pauci admodum iam nauigent, qui non se aut mortis, aut seruitutis periculo committant. Regis Philippi classis & si permagna, & satis instructa est, et ad pertinaciter insequendum paratissima, Garfiaq; Toletus eius præfectus rei naualis peritissimus omnem adhibeat curam, & diligentiam, vt illum in sua manu habeat, id tamen nunquam consequi potuit, nec vt video consequetur. Prædo ille lyncæus, vafer, callidus, veterator, ingenio validus, manu promptus, astu vero, & malitia, vel ipso antiquo serpente superior, adeo singulos illius motus, progressusq; per exploratores, quos in varijs locis disponit, obseruat explorat, & perscrutatur, vt maximè diuersus semper ab eo abeat: suoq; arbitrato miscros nautas dispoliet, dispoliatos aut grandi pecunia redimendos proponat: aut ad impellendos remos, aliudq; vile seruitium destinet: prædaq; omnis generis onustus ad Tripolim tanquam ad asyrum tutissimum se recipiat. Haidinus Smyrnæus, Salecus Saba, Magalis, Assanes, Celebinus, & Solymanus insignes prædones fuerunt, eorumq; virtus maximè clara, ac celebris facta est, cum apud Colubrariam Balearici maris insulam, Portundum impigro, atque acri ingenio Hispanicæ classis præfectum, cæsis propugnatoribus, crudelis



simè trucidarunt: & Ioannem Cantabrum, Ioannem Ciuerium, Ioannem Cordubam, & Mathæum Sancium nobilissimos trierarchos expugnatis illorum trirēmibus, captiuos in Iuliam Cesariam, ad Ariadenum Aenobarbum duxere. Sinas cognomento Iudæus, Carra Mahumetes, Caradinus, Agis, Morus Alexandrinus, Alicola Corsus, et Alicotus Cilix piratarū audacissimi habiti sunt, magnumq; nomen, & diuitias excursionibus maritimis sibi peperere. Curtugolus tantæ auctoritatis archipirata fuit, vt solâ oratione Solymanum Byzantiorum tyrannum ad bellum Rhodijs decernendum impulerit, sed hi omnes si veritate volumus inniti, & rectè (vt bonos decet iudices) iudicare, nihil ad Dragutem qui omnium maximus fuit, & haberi potest, duobus tantum exceptis Horuccio & Ariadeno fratribus, qui in insula Lesbo, in vrbe Mitylene, patre Græco sed Mahumetis sacra sequuto nati, Fortunæ beneficio ab vna prædatoria bireme ad regium fastigium irrepere, & mirabilia atque incredibilia facinora effecere. Sed labor longius, ad Dragutem de quo iam agere institueram, reuertar. Qui nisi superioribus annis prudentia, & singulari Ioānis Vege Siciliæ proregis ingenio, uirtute, et industria fuisset eiectus Aphrodisio, quod oppidū antea ab Azeno Tunetanorū rege, postea ab Asa Gerbino

Turca archipirata iniusto imperio ac impotenti  
dominatu direptum, ac penè deletum, ille oppi-  
pidanorum dissensione, & negligentia caperat:  
sine dubio totius Africæ imperium hodie obtine-  
ret. Si singula huiusce facinorosi prædonis faci-  
nora, sceleraq; vellem referre: tempus, vox, &  
latera me deficerent. Nam si portus nostros direp-  
tos dolemus, diripuit Dragutes. Si naueis cap-  
tas, præcisas, incensasq; desideramus: capit,  
præcidit, incenditq; Dragutes. Si pecorum greges  
abactos conquerimur: abegit Dragutes. Si oram  
maritimã multos annos vexatã, depopulatãq;  
deploramus: vexauit, depopulatusq; est Dragu-  
tes. Si agros vastatos incendio ingemiscimus: va-  
stauit Dragutes. Si nos nullo non genere crudeli-  
tatis, atque calamitatis affectos, obrutosq; neque  
sine dolore recordamur; neque sine gemitu recen-  
semus: affecit, obruitq; Dragutes. Si aratoribus to-  
tius anni fructus interceptos angimur: intercepit  
Dragutes. Si negotiatores, nauiculatoresq; in ser-  
uitutẽ raptos, aut crudelissimè trucidatos indigna-  
mur: rapuit, trucidauitq; Dragutes. Si vxores vi-  
ris, viros vxoribus, fratres sororibus, sorores fra-  
tribus, parentes liberis, liberos parètib; orbatos  
ægreferimus: orbauit Dragutes. Denique vt si  
matim, et nõ particulatim omnia perstringã: vni-  
uersas misérias, et calamitates quas superiori tẽ



pore perpeſſi ſumus: huic vni piratarū principi ac-  
ceptas referre poſſumus. Dī parcāt manibus Ian-  
nettini Aurie, qui cū tam truculentā, & peſtiſe-  
ram belluam cēpiſſet, et incluſam, conſtrictamq;  
haberet: in noſtrū exitium, atque perniciem pecu-  
nia diſmiſit, ac liberam ad ſuos abire ſiuit. Non po-  
tuit eam magne deus, aut palo tranſfigere, aut in  
crucem agere aut feris vorandam obijcere, aut cu-  
te denudare, aut culeo inſutam ( quæ pēna eſt par-  
ricidarum ) in ardentem fornacē, aut aquam pro-  
fluentem projicere, aut aliquo duriore tormento  
excruciata exanimare. Sed reſpirate q̄ſo Proce-  
res Chriſtiani mecū aliquātulū, et ea q̄ deinceps  
dicā, eadē benignitate qua ſoletis, attendite. Si ho-  
mo barbarus obſcuro loco natus, ſeruus olim no-  
ſter p̄ cades, et rapinas, ad magnas opes euect⁹,  
tot malis nos grauiffimē affligit, atq; euerit: Quid  
futurū putatis, ſi Solymanus tyrannorū maxim⁹,  
et omnium poſt hominū memoriā crudeliſſim⁹ Meli-  
tā ( quod abſit ) ſuo imperio adiūxerit. Mihi credi-  
te, res eō adducet, vt nautę neq; ſūma hyeme trās  
mittāt, atq; e portu egredi andeāt, et nos vix i ab-  
ditiffimis locis, q̄ i intima noſtra regione ſita ſūt,  
tui ſim⁹. Cū itaq; latē ferant turcarū arma, et qd  
minent, & quantū cervicibus noſtris immineāt  
intelligatis: quē animū ſuſcipeſ, quas vires intēde-  
re, et quā belli molē, et apparatū parare, atq; in-

I. A. PELVSII CROT.

struere nos oporteat facile cognoscitis. Morā in talib. hominib. liberandis interponere sine scelere nō potestis. Hoc bellū indiget celeritatis. Succurrendum est militib. diui Ioannis, qui nō iam mortem, quam vilem habent, non ærumnas, quas æquo animo patiuntur, non vulnera quæ pugnando accipiunt, tantummodo barbarorum imperiū, cruciatus corporis, superbos victoris vultus, & contumelias deprecantur. Insulæ Melitæ quæ nō magis Melitensium, quàm vestra est, consulite: eam ex manibus prædonum dum licet eripite: ne cum velitis, non liceat. Per vos, per liberos, per parentes vestros vos oro, obsecro, & obtestor, hominibus miserrimo, & difficillimo tempore laborantib. omni vestra ope, & ratione subuenite: ite obuiam crudelitati: nolite pati vestros socios, & amicos fidelissimos in potestatem hostium venire: nolite pati fratres nostros, (fratres enim nostri sunt, qui eundem Christum humani generis redemptorem, quem nos colunt & venerantur: qui eandem religionem, sacrarum communionem, sanctam Romanam & Catholicam ecclesiam fouent, & amplexantur:) frustra à vobis opem implorare: & ab hostib. Christiano nomini infestissimis indignissimè vexari. Nihil porro ad reges, & magnos viros magis pertinet, quā opem ferre supplicibus: liberare obsessos per-

*culis afflictos & iacentes excitare. Si nihil ad impetrandum causæ haberent, præter miserandam fortunam, quod paulo ante ocio, pace, & cunctarum rerum copia florentes, nunc inter incudem, & malleum, cooperti miseris, tot tantisque difficultatibus affecti, auxilium à vobis efflagitant: tamen esset maiestatis vestræ prohibere iniuriam: repellere vim: barbaricarumque mentium arrogantiam ferro contundere: neque pati Scytharum imperium per stelus crescere, eorumque fines tam latè propagari. Non contenti Asiæ limitibus, quam ferè totam possident, magnam Europæ partem vi, atque armis subegere: nec adhuc tam ingenti, opimaque præda expleti, ac saturi, nos quotidie urget, instant, premunt, insectantur. Quid enim aliud toto anno auditur, quàm prædones Turcas quacumque navigant, strages edere, atque calamitates nostris ciuitatibus inferre? Non illos procellæ, non Syrtes, non vada, non Symplegades, non Styllæ, & Charibdis, duo scopuli in freto Siculo nautis infestissimi vnquam retardant, quo minus vel summa hyemè, cum navigationes tempestatibus intercluduntur, atque conquiescunt, vastent ea loca, in quæ incurrunt: multos mortales cædunt, multos in seruitutem rapiunt, & longè melius mehercule cum his agitur, qui vita statim priuantur, quàm qui capti superbissimorum domi-*

I. A. PELVSII CROT.

norū contumelijs, et ludibrijs expōiti nō unā mor-  
tē in die, sed centū in hora perpetūtur: illis serūt,  
illis metūt, illis suis humeris quidquid imponitur,  
vehunt. Siquis minus dicto audiens est, aut laborē  
perosus, imperiū quoquo modo indignatur, nō ad  
circum agendas molas, non ad lapidicinas, nō ad  
compedes, & ergastula verberibus cāsus conijci-  
tur: sed ad palos, ad eculeos, ad cruces, ad vncos,  
& ad alia his duriora tormenta, atque sauitiē  
exempla sublimis rapitur. Hoc illis summā laudi  
est, vobis maximā vituperationi: Qui enim non  
defendit, nec obsistit (si potest) iniuriā, (vt inquit  
Cicero) iam est in vitio, quā idem ille qui facit,  
aut patriam, aut parentes deserit. Quotidie audi-  
tis illos aliquam munitissimam arcem in insulis  
occupare: aut prāclaram urbem in continente no-  
bis intercipere: & tamen tanquam hoc nihil ad  
vos pertineat, otiosē sedetis domi, ac potius mu-  
tuis discordijs, & simulatibus inter vos digladi-  
mini. Quando obsecro vos, quando resipiscetis?  
quando ferrum ferro opposcentes, concordibus ar-  
mis, animisq; tyranno tot partis victorijs exultā-  
ti occurretis? An expectatis vt Romā bellum  
inferat? quam urbem immortalis & omnipotēs  
Deus neglēt: Iudæā, vbi natus diuinitatis exem-  
pla edidit, potissimum delegit, in qua summus Pō-  
tifex suam sanctam ecclesiam regeret, & Rēpub.

Christianam administraret. Alba olim & Belgradum oppida ad confluentes Savaum atque Danubium sita, hostium impetum retardabant. Hæc duo tutissima munimenta non multos abhinc annos suis opib. Turcæ adiecere. Eadem felicitate, & successu Budam, Pæstum, Taurinum vrbes munitissimas, & totam inferiorem Pannoniam in potestatem suam redegere: aditusq; sibi in Germaniam patefactus est. Rhodus etiam ipsa Christianæ defensionis mucro, & specula quinto post mense quàm validissimis operibus oppugnari cepta est, Philippo Vilerio Liladamo Hierosolymitanæ militiæ magistro certa pactione se, oppidanos, urbem, & insulam dedente, in illorū iurisdictionemq; concessit. Tantis victorijs elati, ad perpetuo rerum secundarum cursu audaciores facti, cum infinita barbarorum multitudine in Melitam ad eam subigendam, transiere. Cui egræ, & labanti iam nisi salutare aliquod remedium adhibebitis, eamq; vestris opibus fulcietis, equitibus diuo Ioanni consecratis cadem, Melitenensibus servitutem, eorū liberis, et coniugibus cõtumelias, agris vastitatē, oppidis excidiū, pagis et villis depopulationē paratū esse video. In fanis religiosissimis deturbato inde Christi Dei filij, & humani gñris servatoris cultu, Mahumeti hominī sceleratissimo, suę gētis more imolabūt. Quidē nō

I A. PELVS. CROT.

intelligitis si illa ( quod deus prohibeat ) ruina col-  
labetur : vos ( quoniam salus vestra cum illius sa-  
lute coniuncta est ) posthac nullos fore ? nulloq;  
pacto vestrum imperium incolume esse posse ?  
ruere, & perire cum illa mauultis : quàm com-  
muni ope, & consensu communem libertatem tue-  
ri ? sociorum vestrorum iniurias vlcisci ? & no-  
bilis, sacraq; religionis milites ex imminentis  
mortis periculo eripere ? Magno hæc dico cum  
animi mei dolore : Amaui ego diui Ioannis equi-  
tes omni mediis fidiis tempore plurimum : &  
amo nunc vt cum maxime : eosq; omni regno, im-  
perio, laude, & honore dignissimos iudico : sem-  
per enim contra importunissimos piratas classem  
deduxere, nullumq; vnquam pro religione Chri-  
stiana, & libertate communi laborem suscipere,  
aut periculum adire recusarunt. Quondam cum  
florerent omnib. copijs, & in Iudæa cum in pri-  
mis beati numerarentur, bellum continenter cum  
hostib. gerebant, sæpe parua manu ingentis illo-  
rum copias collatis viribus, profligauere : & glo-  
riosas deo bene iuuante, victorias cõsequuti sunt.  
Quandiu Rhodum opportunam ad bellum cum  
barbaris gerendum insulam tenuerunt, tantum  
sibi pugnando honoris, & gloriæ acquisiuere :  
quantum nemo aut dicendo, aut scribendo illorū  
meritis vnquam posset tribuere. Nulli, e, Chal-

cide, Lesbo, Chio, Propontide, Peloponneso, ipsaq; Byzantio facilis, & tuta in Syriam, atque Aegyptum nauigatio dabatur: totum enim illud mare crebris excursionib. infestum reddebant. Cum Mahumetes Turcarum rex potentissimus Misachum Palleologum virum solertem, & in armis admodum exercitatum cum ingenti classe, & innumerabilibus copijs ad obsidendam Rhodiū misisset: magna accepta clade, & deleto penè exercitu, multa cum familiae Othomanicae ignominia eum in Thraciam reuocare coactus est. Selymus imperatorum omnium qui in terris vnquam fuerunt, crudelissimus, idemq; fortissimus, licet Hismaelem Persarum regem armis vicerit: duos Sulhanos imperatores peditatu & equitatu firmissimos commisso praelio, non solum superarit, verum etiam interfecerit: Syriamq; & Aegyptum nullo obsistente bellatore, suo imperio adiecerit: tamen hos sacros, nobilesq; equites, quos in medijs suorum regnorum penetralibus regnare conspiciebat: bello laceffere nunquam ausus est. Sed hæc vt è memoria nostra aliquantulum remota præteream, & ad propinquiora veniam. Quis Turcarum tempestate nostra ex Asia, Epiro, Macedonia, Mæsia, in Cercinitim, Clupeam, Curubim, Marnaben, in Larunesias insulas, & promontorium Mercurij nauigat: qui si è naufra



# I. A. PELVSIMCROT.

gio, ventorumq; vi fugerit, in illorum manus non incidat? aut certissimo ab eisdem imminenti periculo se non committat? & ne in re manifestissima sim longior, & vos ea, quæ vobis magis nota sunt, quàm mihi, narrando tædio afficiam: quas-cunque superioribus temporib. clades & calamitates hostes accepere ( quas autem clades & calamitates non accepere? ) si recte ratiocinari volumus, illis acceptas referre possunt. Etenim quæ sunt qui quacunque iter habent, hostium strages faciunt? equites diui Ioannis Hierosolymitani. Qui sunt qui barbarorū vrbes maritimas deprædantur? incolasq; in seruitutem quæ morte durior est adducunt? Equi. diu. Io. Hieros. Qui sunt qui prædas rerum pretiosarum ab oppidis, insulisq; direptas Melitam aduehunt? equites diui Ioannis Hierosolymitani. Qui sunt denique qui depopulationes, cædes, vexationes, incendia, calamitates, lethaliaq; vulnera Mahumetanis infingunt? equites diui Ioannis Hierosolymitani. O, viros non modo horum quos vidimus, verum etiā illorum de quibus audiuimus præstantissimos, O, viros gloriæ natos, et immortalitati cōsecrandos. Quid aliud dicā? nihil propriè magis possū dicere. Si tā opib. et facultatib. instructi esset, quā animo ad belligerandū cū hostib. parati sunt, tantū abest ut So'ymanus tot potentiſ. regū, et bellicosarum



gentium victor, de proferendis imperij finib. & de excidio nostro cogitaret: ut vix in intima Asia tutus esse posset. Si tanta cum laude rem bellicam administrarunt, & rempub. Christianam, communemq; utilitatem semper pro virili parte adiuuerūt, tutatiq; sunt; Cur eis nunc in durissimo, miserrimoq; tempore non sine ceterorum Christianorum periculo versantib. pari animo, & studio ea quæ potestis auxilia non subministratis? Quod quidem nullo hortatore, sed ipsi vestra sponte, et pro vetustate necessitudinis, & pro dignitate illorum facere deberetis. Nam si (quod abhorret animus dicere) Solymanus eis iugum seruite impo- fuerit, tanta victoria elatus, & ferox, vos vestraq; regna propediem aggredietur. Non enim Pannin Leonem (sic enim memini legisse, a, Sibylla Erithrea Hannibalem appellari) imitabitur, qui cum post editam memorabilem apud Tannas Romanorum stragem, rerum potiri nullo negotio potuisset: victoria uti noluit: quid uti noluit? uti nesciuit. Sed continuo incredibilem celeritatem proferens, Siciliam & Italiam classe & exercitu inuadet: in Gallias transcendet: in Hispanias, & Germaniam irrumpet quacunque transibit, suæ crudelitatis signa in omnes exercebit; impietatisq; arma vertet. Quare vos appello duces,

# IA. PELVSII CROT.

principes, proceres, & reges Christiani illius audaciam infringite, ferociam contundite, impendentem socijs vestris, vobisq; omnib. tempestatē vestra virtute propellite, dum leuissimē propelli potest: ne si ( quod immortalis & omnipotens deus penitus auertat ) aliquo cæli signo commota turbulentius excitetur: Rempub. Christianam euertat vniuersam: & vos frustra propellere conemini. Nunc animus virilis vobis capeffendus est, nunc consilium ineundum, quo modo fortissimi illi viri de nobis mirificē atque optimē meriti ex imminente morte liberentur. Heu quid agāt miseri? aut quò potissimum infelices, atque infortunati accedant? a fronte, a tergo, a dextro, sinistroq; latere, ac quocunq; se vertunt, hostilia arma vident. Mare nequid importari aut exportari possit, ab hoste innumerabili classe pariter & ornatissima vndique tenetur. Pedestres copię euasitatis hostili licentia amœnissimis prædijs, villis, pagisq; exuflis, ac locis opportuniorib. insulæ occupatis, non solum pabulatione, frumētatione, publico, & privato commeatu prohibent, sed ingressu, egressuq; ita excludere, vt ne pedem quidem foras efferre sinant. Vrbs ipsa ex omnibus partib. aggere, vineis, turribus, arietibus, cuniculis, testudinibus, & machinis omnium generum vno tempore muros ferientibus acriter

acriter oppugnatur. Cannones qui a cannarum  
 similitudine dicti sunt, crebris explosionib. pilisq;  
 tormentarijs per illos. vi sulphurei pulueris,  
 emissis, mœnia funditus deiecere. His enim tor-  
 mentis non multis ante annis apud Fossam Clodiã  
 repertis, tantus inest impetus, tam horribilis fra-  
 gor, vis tam ineuitabilis, vt ne murus quidem  
 æneus, aut adamantinus tam graues illorum ictus  
 sustinere possit. Iustitiam igitur indicite, togas de-  
 ponite, saga sumite, exercitumq; non ex tyrone,  
 & collectitio, & tumultuario milite, sed ex robu-  
 stis, & bellicosus, & veteranis legionibus confi-  
 cite. Tot copijs agendum, vt equites, diui Ioannis  
 Hierosolymitani ab immani Scytharum impetũ,  
 atque obsidione liberentur. Quos si deserueritis,  
 & prodideritis, quib. tandem hominib. vnquam  
 auxilium feretis? quib. fauebitur? nisi forte Tur-  
 cas qui eos nunc oppugnant, adiuuandos, eos qui  
 illorum impetum sustinent, deserendos putatis.  
 Contra illos bellum gerendum est, in acie stantũ,  
 de religione, & libertate decertandum, qui no-  
 bis ferrum, flammamq; minantur, seruitutem et  
 cædem nostram quotidie cogitant: et quacunque  
 eunt, multo cum maleficio, & iniuria omnia va-  
 stant, diripiunt, auferunt, exercitumq; Solymani  
 contra nos ad seuitiam, et crudelitatem vtuntur.  
 Quæ flagitiorum genera, quæ clades ab illa bar-

barorum colluie nostrarum facultatum & sanguinis sitientissima, in Siculorum caput emanassent? quæ mala miseri Siculi pertulissent? (omnia autem mala pertulissent) nisi illam temerè & effrenatè in perniciem illorum ruentem Ioannes Valerius sacra nobilisq; Hierosolymitana militiæ magnus magister militari consilio, et prudentia, suarumq; cohortium immota phalange non inhibuisset. Quæ tempestas bone deus? quæ vastitas? quæ pestis nostris ciuitatibus fuisset? & Apuliæ imprimis, à Macedonia, & Epiro non satis longo intervallo distanti? nisi militum diui Ioannis Hierosolymitani incredibilis, ac diuina virtus furentum hominum conatum, atque audaciam compressisset? Si enim Solymanus quod animo intenderat, eius exercitus & classis præfecti perficere potuissent, (potuissent autem nisi eorum dementiæ, & sceleri virtus horum militum obstitisset,) Italia aliquod graue, & intolerabile detrimentum acciperet, esset & receptaculum piratarum, & agger oppugnandæ Siciliæ Melita. Quæ nunc tot circumfessa miseris, tot circumuallata calamitatibus, a quibus noctes et dies misera diuersè trahit, subsidium vestrum inuocat, ad vos confugit, a vobis opem supplex petit: quàm illi qui denegat, hunc ego hostibus quàm simillimum iudico, et non hominem, sed crudelissimam feram identidem appellare non verebor. Certo scio bonos principes qui illam saluam esse voluit, &

omnia de Repub. Christiana præclara, atque egregia sentiunt, sine recusatione, ac sine ulla mora bellum contra Turcas summa ope paraturos, daturosque operâ, ut quamprimû urbs incendio, cæde ciues, insula vastitate liberetur. Vestrum est ijs qui pro nostra religione, et nomine Christiano pugnant, seq; pro eo tuendo, & conseruando offerunt alæ belli, periculisque omnibus prouidere, ne hostis crudelissimus vnquam nocere possit. Vestrum est omnes labores capere, omnes dolores, cruciatibusque perferre non solum fortiter, sed etiam libenter, dummodo ex aliqua parte vestris studiis, & operibus populi Christiani dignitas salusque pariat. Si tanta illorum miseria vos non mouet, moueat vos vestra, vestrorû liberorû, et coniugû. Quas nò solum quo mō ex acerbissima vexatione, et bello, sed et ex vexationis, & belli metu eripere possitis, cogitare debetis. Melita mihi credite, ruere nò potest quin secû multas insulas, multas ciuitates, multosque mortales ad eandē calamitatē trahat. Quare per deû prospicite rebus vestris, consulite vestris cōmodis, conseruate aras, focos, fortunasque vestras: circumspecte procellas, quæ vobis, vestris liberis, et cōiugib. a sæuissimis Turcis impēdēt: Pop. Christiani amplitudinē defendite: Melitē sibus a Scytarû manu oppressis præsto este, de mittendo illis subsidio, quādo præsidium

# I A. PELVSII CROT.

ab hoste interclusum est, cogitate : & sperate ac pro comperto habete , magnum deum pro religio-  
ne & Christiani nominis gloria decertare para-  
tis sine dubio certissimam opem allaturum : &  
diuum Paulum doctorem gentium qui illi insulae  
praesidet , ac sacrae nobilissimaeq; militiae numen  
tutelare prophetam Baptistam pro eis vobis ut  
meremini, relatu-ros gratiam esse . Quantum ma-  
lum vobis a Mahumetanis immineat videtis.  
Si Melitenses & milites diui Ioannis solos hoc ma-  
nere putatis, vehementer erratis, latius vestro iu-  
dicio, & opinione disseminabitur : manabit non  
solum per Siciliam , quae a Melita sexaginta mil-  
lia passuum abest , verum etiam irrumpet in Ita-  
liam huiusmodi calamitatum nunquam experte:  
indiesq; ultra serpens, multas ciuitates opprimet,  
multas prouincias occupabit. Id facile nunc infrin-  
gi & debilitari potest, si primo quoque tempore  
copiae firmissimae in Melitam traŕciantur : bel-  
lumq; cum his communi consensu geretis , qui  
Melitenses vita priuare , diuiq; Ioannis Hieroso-  
lymitani religionem, & nomen extinguere pun-  
ctum temporis non intermittunt . Vincat vestro-  
rum periculorum rationis utilitas Reibub . Chri-  
stianae : Vincat eiusdem auctoritas , & maiestas.  
Vincat honestas Non adhuc videre videmini Me-  
litam insularum praestantissimam, atque arcem



totius Italiae subito vno incendio conflagramentem? mania crebris aeneorum tormentorum ictibus delecta? miseros ciueis pro se ipsis, coniugibus, liberis, libertate, solo natali, focis, arisque acerbissima morte interfectos? Eos ipsos equites quos vobis toties nominavi, pro religione Christi nostri seruatoris occisione occisos, insepultos iacere? Non adhuc cernitis animo, mentemque videtis acerrimos Christiani nominis hostes furore praecipites multa passim in deos, hominesque impie, nefarieque committere? bona fortunasque ciuium diripere? ac sanctissimas diuorum talium imagines e fanis religiosissimis disicere? Non versatur vobis ante oculos aspectus Mahumetanorum & furor eorum in mulierum et virorum cede bacchantium? Non adhuc vos non dico animo, sed auribus accipitis lamentationes matrum familias? eiulatus virginum? puerorum querimonias? Quoties mihi venit in mentem, venit autem quam sapissimè Turcas de pernìcie Melitæ, & excidio illius praeclarissimæ urbis tam acerbè tamque crudeliter cogitare, præ dolore pedibus insistere nequeo, commoueor animo, totaque mente ac sensibus contremisco. Si veementè hæc videntur misera, atque miseranda, quæ certè sunt miserrima, & maxime miseranda, cur ijs qui ea perficere conantur, non occurritis? armatique obuiam itis? Etenim

quæro a vobis, si quis vellet vos vestris fortunis euertere, pecorū greges a pascuis abegere, agros vastare, domosq; incendere: non hunc bello persequendum statueretis? At videte quanto iustus, atque honestius est, in eos vestra arma conuertere: qui vos trucidare, vestras coniuges, liberosq; in seruitutem rapere, tectis ignem iniicere, & hoc vniuersum populi Christiani regnum delere, omni ope atque opera enituntur. Quid statitis? quid cunctamini? causa est post orbem conditum hæc inuenta sola, in qua vestra omnium virtus eluceat, in qua gloriam sempiternam, et nunquam intermoriuri nominis memoriam vobis comparare possitis. Quis vestrum est (dicam cum bona vestra venia) tam ferus? tam barbarus tam immanis? qui non audaciam, & temeritatem Turcarum perhorrescat? qui non obstare cupiat? qui omnes vires animi, atque ingenij sui non profundat, ne quid de summa Reipub. Christianæ dignitate minuatur? una mente, voluntate, studio, virtute, voce, obsessis subuenite: obsidentibus arma inferite: Vobis supplices manus tendunt Melitenses, vobis se, vobis vitam suorum liberorum, & coniugum, vobis aras, & Penates, vobis milites diui Ioannis Hierosolymitani arcem diui Ermi, et diui Michaelis, vobis Christi nostri seruatoris templa



atque delubra religiosissima, vobis sacrosanctâ religionem, ceremoniasq; sacrorum, vobis muros, atque vrbis testâ commendant. Quamobrè perniciosis hostibus bellum mouete Melitam obsidione, & metu seruitutis liberate, easq; res gerite, quæ in omnium gentium ore & sermonibus semper hæreant: in omnium posterorum mentibus semper repostæ, atque defixæ sint. Quid unquam indignius, sceleratius aut intolerabilius, dici, fingi, excogitariue potest? quàm vos qui Christiani, & potentissimi nati estis, videre & pati Turcas furiosos homines, & sine dubio crudelissimos religiosis diuorum cælitum delubris sceleratas faces inferre, & fortunas Melitensium tot annos tanto cum labore acquisitas depopulari? Per dominum ac Deum nostrum Iesum Christum, qui pro incolumitate humani generis in crucem sublatus obijt, vos obsecro, obtestorq; communi ope, & auxilio, vnoq; animo, & mente in illos coniurate: Hierosolymitanæ religioni dum vobis facultas subueniendi summa, facillimaq; datur, subuenite: ne postmodum si in illorum manus venerit, cum velitis, frustrâ velitis. Quæ unquam tanta vis in terris reperietur, quæ tantam fortissimorum virorum coniurationem perfringere tantam conspirationem bonorum labefactare, aut paratâ

I. A. PELUSSII CROT.

victoriam interpellare possit? Quid? gregarium  
 numerum illorum extimescitis? virtute, & auda-  
 cia, non infinita militum multitudine victoria pa-  
 ratur. Alexander magnus quem Hannibal Pæ-  
 nus rogatus cui imperatorum primas deferret,  
 maximum pronunciauit, inuisti Macedonum  
 phalange innumcrabiles Darij copias prælijs fre-  
 git, ac totum orientem victor peragravit, Athe-  
 nienses per exiguo militum agmine Xerxē CLxx.  
 hominum myriadas, hoc est decies septies centena  
 millia ad subigendam Græciam ducentem tanta  
 clade oppressere, vt vix ipse tanti exercitus impe-  
 rator per stragē inermis effugerit. Romani quos  
 honoris & amplitudinis causa semper nominatos  
 volo, totum terrarum orbem vna vrbe vicere  
 suamq; Rēpub. omnium quas vnquam Sol vidit  
 florentissimam & maximè memorabilem consti-  
 tuere. Quæ nunc etsi fatis ita volentibus, gen-  
 tium & populorum multorum imperium non ha-  
 bet; tamen (quod ego longè maius esse existimo)  
 Christianæ religionis & veræ pietatis est caput.  
 Thomyris regina Schytarum parua manu ducta  
 millia Assyriorum vnâ cum Cyro eorum rege tru-  
 cidauit tanta cæde, vt nē nuntius quidem luctuo-  
 sæ cladi superfuerit. Milciades in campis Mara-  
 thonijs vix decem Atheniensium millibus Persa-  
 rum plus centum decem millia ingenti strage dele-

uit. Qmitto. C. Marium qui Cymbros, & Theu-  
tonos ad aquas Sextias parua manu de medio  
sustulit. Pretereo Pompeium, qui admodum par-  
uo stipatus exercitu de Mithridate quadraginta  
millib. hostiū cæsis, triumphauit. Nihil dico de. C.  
Cæsare qui Aquitanos, Heluettos, Aruernos, re-  
liquosq; Gallos, & Germanos exiguis copijs stra-  
ge atrocissima perculit, imperioq; Populi Roma-  
ni subiecit. Vos, alloquor vos Itali, Hispani, Gal-  
li & Germani Principes, nec rei militaris disci-  
plina, nec usu bellandi Solymano atrocissimo ho-  
ste inferiores, numero autem bellicosarum gentiū  
atque opibus longe superiores, illius formidatis ex-  
ercitum: qui quantusquantus est, ex Asiana in-  
ermi, & tumultuaria multitudine est. Prætorie  
Ianizerorum cohortes siquæ sunt, quæ paucae  
sunt ex ijs potissimum sunt, qui Christiani, a Chri-  
stianis cacodæmonis instinctu occæcati, ad Mahu-  
metana sacra defecere, Sed esto, sint omnes Ma-  
hometani, & exercitatissimi in armis, vestrum  
tamen non dico impetum cui ne orbis quidem ter-  
rarum vniuersus posset resistere, sustinebunt; sed  
armorum fulgorem tubarumq; clangorem ferre  
non poterunt. Agite ergo quocumque estis optimi,  
& magnanimi principes arma capite, & vi stre-  
nuos decet bellatores, animosè, et viriliter pugna-  
te. Hoc præsertim tempore, quo omnes vrbes,

# IA. PELVSII CROT.

provincia, regna, gentes, populi, nationes, ad salutem, & libertatem communem tuendam exarsere: & tanta inter vos concordia est, quanta nunquam fuit. Si hostem communem communi consilio inuadetis: felicitate, & virtute ducum, legionumq; vestrarum breui tempore sine dubio opprimetis. Iam nunc ego veluti de loco superiore, mihi videre videor, Turcarum Numidarumq; cohortes hinc in fugam versas, cedere: illinc palantes passim trucidari: cadauera in campis strata iacere: terram caesorum sanguine fluere. Intueor Burgum urbem graui obsidione liberatam, nostrum exercitum spolijs barbarorum onustum, triumphantemq; obuijs (vt aiunt) vlnis excipere, Iam sui iuris Melita nimio gaudio exultat, proq; tam insperata victoria, deo immortalium multorum dierum supplicationes decernit. Iam sacrae nobilisq; religionis magnus magister catu eorum equitum, quorum virtuti (vt inquit poeta Ennius) fortuna belli pepercit, stipatus, victoribus obuiam prodit: laetus agnoscit: gratias agit amplissimas, & immortalibus, pro defensione, seruataq; sacri ordinis equestris dignitate. Cerno parentes pro liberorum suorum pudicitia retenta, nimia laetitia exultantes, vobis sumopere congratulari. O die illum dierum optimum, et omnium felicissimum, nec albo lapillo solum more Thracum notandum

Sed eloquentium oratorum, elegantiumq; poetarū scriptis ubique celebrandū. Hæc quamprimū euenient, si quamprimum aduersus crudelissimum hostem crudeliter equitibus diui Ioannis militantem, Melitensium agros, domos, fortunasq; suis militibus penè assignantem, atque dilargientem concordēs, coniunctiq; arma tuleritis. Cur cuncta mini? cur tantam lætitiā impeditis? tantamq; felicitatē vobis ipsi inuidetis? Præstolamini fortasse vt hostilis exercitus orta inter se dissentione, mutuis vulnerib. se interficiat, aut a Sotymano ad vos transeat. Erratis si id fieri posse putatis. Huic rei vigilantius, cautiusq; quā existimatis, prouisum est. Aliena insania, externisq; exemplis didicit, quā periculosum sit a suo rege deficere. Nec Mehercule causam habet ullā quā mobrem eum hoc tempore deferat, siquidem militibus qui in numeros distributi sunt, sacramentog; dixere, singulis mēsis stipendia procedūt: nec quisquā est e tāto numero, qui vel obolo, vel asse Siculo, (vt nos nostra lingua dicimus) fraude tur. Si forte speratis fieri posse (nā hoc quoque multos sperare audio) vt derepēte cœorta pestilētia uel loci, cœliq; grauitas, sine vestris armis, vtroq; motu sit hostes asūptura, aut deus ipse qui omnia pō, si ne prælio, sine plaga, vestraq; incursione, eosdē solo nutu deleturus spes vestra pertenuis est. Nā de<sup>o</sup>

# I. A. PELVSI CROT.

vti (proverbio dicitur) vigilantes & fortiter, ac strenue facientes adiuuat: ignavos supplicia, lamentaq; muliebria, & vota tantum quæ nunquam sunt persoluturi nuncupantes deserit. Si vultis igitur deum a vobis esse, eius vos religionem pro virili vestra parte defendite, & miseris obsessis quàm maturrimè opem ferte, Nam summo pereverendum est ne idem fatum, eandemq; fortunam subeant, quam olim Casilinos, & Petilinos subiisse ferunt. Qui cum folijs arborum, herbisq; bestiarum more undecim menses obsidionem tollerassent, non ante, & Pœnis debellati sunt, quàm paulatim præ inedia deficientibus viribus, consumptisq; omnibus telis, in muris amplius stare non potuerunt. Classis maxima, & numerosissima lunatis exornata vexillis, speciem æquo maiorem, terribilioremq; nostrorum oculis præbet: numerum ducentarum, ac quadraginta navium complet, demptis innumerabilibus minoribus navibus quæ spontè voluntarièq; classem sequuntur. Sunt in ea centum septuaginta triremes, quinquaginta rostratæ biremes robore, & magnitudine triremibus penè pares undecim capaciores naues, magnorum castellorum instar quas Turcæ sua lingua mahonas vocant, octo onerariæ ad impedimenta, legiones, sarcinasq; militares vehendas aptissimæ. Cum his omnibus Pialis, de mari,



Mustaphas qui ad aquam Martiam castra fecit, cum prius apud pagum Azorbarim consedisset, de terra cum infinita peditum multitudine noctes & dies obsessos urgent: neque res solum agitur sclopetis, archebusijs, scorpionibus, arcubus, fundis, iaculis, omniumq; generum missilibus: ed maiorib. aeneis tormentis, inter quæ duo vastæ, stupendæ, atque admirandæ magnitudinis basilisci: qui ferream amplius centum pondo pilam in muros euomunt. Nostri magnis difficultatibus conflantur, quod saxeo in loco glebam, cespitemq; ad reficiendas munitiones, novasq; continuo pro euersis sufficiendas, ex disciplina militari desiderant, Quo in statu Melita sit, videtis: de qua quando pro virili nostra agere cœpimus: non alienum a proposito nostro esse ducimus: si paucis de eius situ, & quemadmodum in equitum Hierosolymitanæ religionis manus peruenierit, differamus. Melita a melle dicta, insula est satis lato ab Sicilia freto, periculosoq; disiuncta, cuius circuitus Lx. milliaria complectitur: in longum porrigitur viginti millib. passuum latitudo constat xii millibus: nullaq; insula in toto nostro mari a continente magis remota est. Nam ab Epizephyrio agri Castellani promontorio ducētis millib. passuum abest: multo plus ab Africa: eodem tempore quo Sicilia in provinciam redacta



1 A. PELVSII CROT.

est: a Pœnis qui eam tenebant, in potestatem populi Romani venit. Regnavit in ea Battus rex opib.; & armis potentissimus, Sicularumq; tyrannis amicissimus, ad quem confugisse ferunt Annā Didonis sororem Carthagine ab Hyarba Numidiæ rege eiectam: & ab eo pro amicitia, & familiaritate quæ inter utrumq; intercedebat, honorificentissimè & liberalissimè tractatam. Fuerunt in ea duo templa, unum in ea parte insulæ, quæ vergit ad orientem, Iunoni sacrum: ubi dentes eburnei eximie magnitudinis fuisse dicuntur: alterum in ea parte, quæ spectat ad Austrum, Herculi dicatum: utrumque operis structura, opibus, sanctitate, & religione maxime memorabile, & a primæ classis auctorib; celebratissimum. Capparis, cumini, & gossipy bonitate gloriatur, perinde ac Tmolus Lydia monocroco: India ebore. Pontus Mithridatis olim regio venenis: Arabia turo, myrrha, cinnamomo, & summa rerum omnium copia Xilinas telas tum tenuitate, tum mollicie spectatas texit. feras malefici generis nusquam educat. Vipera, phalangia, scorpy, & huiusmodi animalia noxia, & pestifera, (ut de psyllis qui hæc consuetatur audiui) venenata ibi non reperiuntur: quod opera Pauli apostoli sub cuius tutela est, factum esse credimus: qui huc sepestate delatus, eis

nocendi potestatem ademit : sacrisq; concionibus  
incolas ad Christiana sacra, veramq; religionem  
abdicata Idolorū superstitione , facile traduxit.  
Oleaſtro, ficu, vitibus, & ceteris id genus arbo-  
ribus, quæ in locis aridis, saxosisq; nascuntur, fæ-  
cunda: fontibus, & riuulis illustris : frugibus,  
& piscibus copiosa : vino fertilis : opima pascuis:  
optimi mellis ferocissima : tanta soli vberitas, ele-  
mentorūq; clementia, vt arbores bis in anno fru-  
ctus ferant. in plurimis tamen locis malignè coli-  
tur, aspera, saxosa, infœcunda, & Sterilis. Cœlū  
adeo salubre, & clemens, vt cum illo Crotonis  
quod saluberrimum esse constat, possit cōtendere.  
Cum Sol in Cancro est, Siriusq; agros findit,  
interdiu incolæ immoderato æstu torrentur,  
noctu largissimo rore madefacti, penè rigent:  
flores fert incredibili fragrantia, vt non sine  
causa Verri qui prætor Siciliam per trien-  
nium omni malorum genere vexauit, vitio,  
datum sit; quod puluillo perlucido, rosa Meli-  
tense farto vteretur: & vestem Melitensem  
quam muliebrem fuisse Cicero in Verrinis docet,  
Romam asportarit. hinc etiam catuli qui ab ea  
Melitæi dicti sunt, ad fœminarum delicias adue-  
hebantur. Portus habet plures a ventorum  
sœuitia tutos, & mercaturis faciendis accom-  
modatos; pagos Lx habitatos omnes; ædes

# 1 A. PELVS. CROT.

pro loci natura pulchras, & exornatas gypso.  
 Quinto post mense Rhodo a Solymano qui in eam  
 insulam cum innumerabili classe, & ducentis ar  
 matorum hominum millibus traiecerat, deditio  
 nem facere compulsus, a Philippo Vilerio Litada  
 mo sacrae militiae magno magistro hac passionis  
 lege dedita est, ut inuiolatis corporibus, intactisq;  
 fortunis, unicuiq; liberè quò vellet abire liceret.  
 Itaque magnus magister cum paucis equitib. qui  
 Fortunæ beneficio in obsidione mortem non oppe  
 tierant, urbem infelicissimam Tyrāno relinquēs  
 in Cretam Venetorum coloniam nauigauit, refe  
 cta classe & accepto necessario com meatu, hinc  
 soluens, Parum, Naxum, Zacynthum, Cephale  
 niam, Sporadas insulas, Corcyram, & Gallipo  
 lim prospero flante vento præteruectus, Messa  
 nam Siciliae urbem nobilissimam modico interie  
 cto freto a Rhegyo Brutiorū oppido distantē per  
 uenit. Carolus Quintus regum, & imperatorum  
 optimus maximus, certior factus eorum, quæ  
 apud Rhodum contigissent, diui Ioannis Hieroso  
 lymitani præfecti, & militum fortunam commi  
 seratus: Melitam quæ sub eius erat imperio, eis  
 per libenter concessit. Quam multa cum laude  
 multos annos tenuerunt, & si eis in tempore suc  
 curetur, tenebunt multò pulchriorem posteris re  
 licturi. Hæc habui quæ de Melita dicerem, pau  
 ca dicenda

ca dicenda supersunt de Ioannis Valetæ Hierosolymitanæ religionis magni magistri virtute, industria, & diligentia. Vos adeste quæso, & me de re ipsa dicere incipientem non solum attentè, & diligenter, verum etiam libenter, & studiosè audite. Cum bellici apparatus rumor e Thraciæ finibus in Melitam peruenit, Græcusq; vir Turcicæ linguæ gnarus, qui multis ante dieb. Byzantium ad explorandos hostium motus, conatusq; missus fuerat, reuersus renuncianit, illic ingentē classē mira celeritate apparari, naualis terrestribusq; turbæ delectum in locis maritimis, & a mari remotis haberi: atque inusitatæ magnitudinis tormenta fusili, conflatoq; metallo fabrefieri: multi de quauis re potius, quàm de sua salute solliciti, in eam discedebant sententiam vt dicerēt, Turcarum regem Lusitanos esse classe aggressurum: vt e sinu Arabico, Indicisq; emporijs nauiculatores negotiatoresq; Aegyptij Memphim, atque Alexandriam, piper, cinnamomum, ius, myrrham, & cetera id genus aromata, & merces, interclusa nauigatione adueherent: vt inde postea haud mediocri quæstus emolumento per omnes suæ ditionis prouincias, oppidaq; pecunia commutarent. Non pauci quorum ab ijs diuersa erat opinio, qualibet grandi sponzione contendere non verebantur, eum in Italos esse arma conuer-

## I A. PELVSII CROT.

*surum: ut aut in Frentanis Hortonium, vel Istonium expugnaret: vel ad Lapygium promontorium delatus, in sinu Tarentino Hydruntem, aut Brundisium occuparet. Nonnulli qui longè maiorem belli apparatus, validioremq; potentiam ad inuadendam, expugnandamq; Italiam pernecessariam esse iudicabant: Cipro, Crætæ, Corcyræ, Zacintho, Cephallenia, reliquisq; insulis, quæ Venetorum imperio subiectæ sunt, vehementer timebant: Complures de Corsica dubitandum esse, his coniecturis, & argumentis colligere videbantur: quod Sampetrius Corsus vir solers, & ad perferendos militiæ labores, egregiè subactus, Genuensium superbum dominatum, intolerandasq; vexationes pertæsus, illorum præsidia eiecerat, & ad euocandam classem Solymani Byzantium miserat. Ioannes Valeta Hierosolymitanæ religionis magnus magister, non eorum, modo quæ eandem dignitatem adepti, in ea gerenda, atque administranda præclare se gesserāt, sed priscorū, et recentiorū imperatorū virtute, magnitudine animi, florentiq; rerū gestarū fama superior, arma maritima, terrestriaq; cōtra se parari iureiurando affirmavit: atque ut ita crederet, sacrum nobileq; ordinē equestrē facile perduxit, Magna statim cū diligentia arma, ænea tormenta, pilæ tormentariæ, sulphureus puluis, telaq; missi-*

lia recognita sunt. Cisternæ quando iugis aquæ putei, fontesq; in ea vrbe non sunt, expletæ: molæ quæ & manibus, & asinis circūagerentur, cōplures effectæ: et licet antea de frugibus, salsamētis, molitis cibarijs, et reliquo cōmeatu fuisset satis prouisū: missum est tamē illico in Siciliā, vt inde magnus numerus frumenti olci, vini, earumq; rerū, quæ ad obsidionis vsū expetuntur, & ad gerendū bellū necessariæ sunt, Melitā cōucherentur: nec aquarios, cocos, & tabernarios, sed veteranos, strenuos, & in armis exercitatos milites cōscribendos curauit. Iussum est etiā agrestibus, vt aut ad sonitū æris cāpani, aut cū procul e speculis hostilis classis prospiceretur, armenta, gregesq; in mœnia abigerent: atque interea dū per ociū liceret, fruges, & ferramenta partim curribus, partim dossuarijs, & clitellarijs iumentis in vrbe importarēt. Peregrini, milites presidarij, & opidani hinc aduentatis classis metu cōmoti, illinc premio & liberalitate magni magistri inuitati, struēdis aggeribus, propugnaculisq; cōmuniendis noctes & dies peregregiā dabāt operā. Missæ sunt nauiculæ speculatoriæ ad littus Apollonię, et ad insulas Græcorum, quę Turcis uectigales sunt, vt de aduētū classis, et de futuri belli motu diligēter inquirerēt, inquisitaq; exactē referret. Armatæ triremes nō solū Gaulū, Cosyrā, et Aegusā, quę

# I. A. PELVSII CROT.

non longe abest a Lilybæo: Sed Numidiæ insulæ  
 penè omnes circumnauigabant: si forte aliquas  
 piraticas biremes reperirent, vt earum trierar-  
 chi in quæstionibus habiti, grauioribusq; suppli-  
 cijs affecti; quidquid scirent de Turcarum consi-  
 lijs, dicere ac indicare cogerentur: & quoniã  
 omnis ferè rusticorum multitudo cum familijs,  
 & utensilibus, e pagis agrisq; Burgum urbem  
 munitissimam confluxerat: Lustrum conditum  
 est: equites antesignani quibus hæc res curæ erat,  
 liberorum hominum ad militiæ munia apta decẽ  
 millia recensuere. Reliquus numerus erat imbelli-  
 um mulierum, senum, puerorum, & eorum qui  
 aut per ætatem aut per morbos arma ferre non  
 poterāt. Cum vero qui ex imminentibus mari col-  
 libus, altioribusq; speculis naues hostium prospe-  
 xerant, magno magistro renunciarunt, maximã  
 classẽ aduersis in portum diui Pauli proris ad-  
 uenire: totaq; ciuitas tantæ classis visendæ stu-  
 dio, e portis effusa ad proximos tumulos rueret,  
 omniaq; timore, et fletu complerentur: tã acer-  
 bo, atque inopinato nũcio nihil (quod sane miran-  
 dum est) perturbatus: equites Hierosolymitanæ  
 religionis, ciues, & eos, qui in exercitu ordines  
 ducebant, ad concionem vocauit: eosq; pro tem-  
 pore exhortatus est, & priuatæ, & publicæ utili-  
 tati, salutiq; prouiderent: vno ore, vnaq; voce,



*Et consensu responderunt omnes, se sua virtute nihil indignū admissuros, Et aut fortiter præliando victuros, aut viriliter, constanterq; resistendo occubituros. Adiuuate igitur, adiuuate Proceres Christiani horum præclarorum virorum operam: hostem non nequam, sed ipsam nequitiam non audacem, sed ipsam audaciam: non crudelem, sed ipsam crudelitatem comprimate: comprimate inquam hostem, exultantem effrenata superbia, flagrantem inusitata immanitate, spe occupandæ Melitæ incredibiliter inflammatum. Si vobis quæritis decus: nulla in re campus patientior patebit ad gloriam, Et nominis immortalitatem propagandam. Quæ literæ res tam benè, splendide, Et gloriose gestas non celebrabunt? Quæ ætas easdem oratione, prædicatione, Et summis laudibus ad cælum non feret? Quæ postea vestrum nomen suis scriptis non illustrabit? ac vno totius orbis Christiani ore, voce, consensu, Et testimonio æternitati non consecrabit? Si quæritis honestatem, nulla in re maiorem reperietis. Quid enim honestius, quàm Melitenses socios, Et amicos vestros ab iniurijs immanium Scytharum prohibere? Et milites diui Ioannis regenerare, Et nomine, sic virtute, Et factis præstantes, ab imminenti mortis periculo liberare? Quod dum agitis, rem vestram agitis, non pote-*

# I. A. PELVSI CROT.

Stis eorum libertatem prodere, quin vestram si-  
 mul prodatis. Si talem aditum aduersus regio-  
 nem vestram sibi Turca patefecerit: quis non vi-  
 det, vos propter periculosam illorum uicinitatem,  
 in locis vestris securos esse non posse? Agni non  
 sunt vicino lupo tuti: nam deuorari poterunt: eo  
 sine dubio deuorabuntur. Additur quod qui Chri-  
 sti doctri- & seruatoris nostri sacrosanctam re-  
 ligionem augendam, amplificandamq; exoptat:  
 hoc bellum quoad eius fieri potest, adiuuare de-  
 bet, dareq; operam, ut primo quoque tempore co-  
 pia firmissima in Melitam traſciantur. Patiemi-  
 ni Procereſ Christiani, milites diui Ioannis no-  
 stræ religionis propugnacula, in nullis terræ par-  
 tibus posse consistere? nulloq; in loco sedes quie-  
 tas habere? Eiecti sunt olim a Saracenis, e qui-  
 bus locis bone deus? Hierosolymis, vrbe omnium  
 quas vnquam Sol vidit felicissima. Magna vrbs  
 Athenę, magna etiam Roma. sed si voluerimus  
 vtranque cum hac sola comparare: longè inferio-  
 res reperiuntur. Vignit Athenis omnis humani-  
 tas, omnium bonarum artium disciplina, hinc  
 etiam fruges, iura, leges ortæ, atque in omnes te-  
 ras distributæ putantur. Sed eas veræ pietatis, &  
 religionis ignaras fuisse, nemo est tã mediocriter  
 in sacris literis versatus, qui non profiteatur. Ro-  
 ma tanto reliquis vrbibus dignitatis amplitudine

*præstantior: quanto Italia ceteris provincijs rerum gestarum magnitudine antecellit: totius orbis imperium adepta est: sed pessimorum Idolorum cultui manicipata, verum deum non cognovit. Hierosolyma arx sanctitatis, lumē gentium, sanctorum virorum domicilium, sancta sub veteri lege, longē sanctior sub noua, nostræ salutis mysteria omnia complexa est. Hic Iesus vt nos celesti patriæ conciliaret, vltro se immolandum obtulit: cum idem ipse esset & sacerdos immolans, & victima immolanda, & numen cui immolaretur: tertioq; die (vt prædixerat) resurrexit a mortuis. Dicit aliquis eam ciuitatem mihi laudas, quæ ipsum Dei filium, nedū prophetas morti tradidit? Qui hæc obijcit, de vrbis dignitate non detrahit, sed ciuium detestatur scelus: si enim hoc admitteretur: eodem pacto possemus & eloquentiam vituperare quod ea nonnulli oratores abutantur: fabrosq; ferrarios quod ferrum aliquando lædat, sua officina detrudere. Non nego populum esse sceleratum, & impium: sed aio locū ip.ū esse beatū, & sanctū, atque omni honore, cultu, et riuerētia dignissimū. Hæc pauca de Hierosolymis referre uolui, ut intelligeretis quibus sedibus milites dñi Iōānis careāt quasq; terras Arabes, et Saraceni a nostra religione auersi suo imperio subiecerint. Redeo nūc vnde Paulo ante*

digressa est oratio. Cum iſdem milites diui Ioannis Rhodum insularum optimam multos annos multa cum laude tenuissent, inde quoque a Solymano quod propter tractus vicinitatem, loca maritima Asiae crebris excursionibus infestarent, multosq; vicos diriperent, direptosq; flammis absumeret, deturbati sunt. Melita eis a Carolo Quinto nunquam pro merito satis laudato imperatore, assignata est: Hinc etiam nunc idem Solymanus expellere vult. Itaque quid cessatis ei quo vt causa, sic armis meliores estis, bellum inferre? Vt sit Martis exitus incertus, fortunaq; bellandi anceps, vestrum tamen est pro socijs, proq; amicis omnia discrimina fortiter, atq; libenter obire: non consideratis quam pulchrum, quam decorum, quam optabile sit, & admodum fortunatum, pro religione, & nomine Christiano tuendo, praelium cum truculentissimis hostibus committere? e quo siue superiores, siue inferiores discesseritis praemia immortalia atque diuina vos manent. Animae enim sanctorum corporeis vinculis exuta, recta ad caelum, ad aedes Dei omnipotentis domini nostri Iesu Christi, vbi beati aeo sempiterno fruuntur euolant. Ergo ipsa vos societas, ipsa amicitia, ipsaq; religio moneat, excitet, atq; inflamet, ne tam pulchra materia, tam apta occasio, tempusq; tam idoneum, atque idem necessarium bellandi vobis

e manibus eripiat, Gothifredus Galatiæ princeps transmissis Bosphoro Thracio, cum ingenti exercitu Iudæam hostiliter ingressus est, ut Hierosolymas multis ante annis Heraclio imperante fœdè amissas recuperaret. Quosunque obuios habuit hosteis, habuit autem complures: omnes deo adiuuante profligauit, multas vrbes partim vi & manu cepit, partim minis, & metu ad ditionem compulit. Vrbe tandem non sine pertinaci oppugnatione, nostrorumq; militum virtute capta, & omnium consensu Hierosolymorum rex declaratus, ad memoriam Christiani nominis, omniumq; gentium sempiternam, de Medis, Turcis, Syrijs Caldæis, Saracenis, Arabibus, quos in varijs locis, collatis signis vicerat, trophæa ad tholum ædis Salamonis defixit. O principem admirabilem, & verè Christianum, O sapientem, & inuictum heroa: O regem non vno regno, sed multis dignum: non illum tam longa via, tam periculosa maria, tam validæ hostium copiæ, tam incredibilis populorum numerus per infesta; inimicaq; omnia perterruit, quo minus quod iam pridem animo conceperat, perficeret. Vos illo classe, exercitu, & rerum omnium copia potentiores: ut Melitam militum diui Ioannis Hierosolymitanis sedem, totiusq; Italiæ aggerem, & firmissimū propugnaculum ex ferro, atq; ue flamma, ac penè

I. A. PELVSII CROT.

ex belli ore, ac faucibus immanium Turcarum  
eripiatis, auersis a pietate animis, cunctamini?  
Expergiscimini aliquando per deum, capeffite ar-  
ma, omnes & laudis cupiditas, & timor ignauig  
ad virtutem excitet, Non enim nunc tantum de  
Melitensium salute, & libertate agitur: sed to-  
tius reipub. Christianæ dignitas in dubio est. No-  
lite amabò vos mollicie, & desidia vestra totam  
insulam prosternere, ac hostibus diripiendam da-  
re. Olim dum cōmunem causam defenditis, dum  
negligētius succurritis, Rhodum amisimus, Quæ  
nunc iure, & legib. commutatis, imperio Soly-  
mani subiecta, perpetua premitur seruitute. Si  
æquo animo fertis ciuitatem sanctam quæ de cæ-  
lo descendit, a prophanis possideri, si Rhodum no-  
bis ab hoste interceptam non doletis, nolite ama-  
bò vos pati Melitam non sine ignominia no-  
ta, vobis vestroq; generi inurenda, in eius-  
dem potestatem venire. Si bellum aliquod dif-  
ficile, & periculosum vobis suaderem: tamen  
committendū non esset, vt quam multa cum lau-  
de, & gloria domi, militiaq; per tot annos  
apud omnes existimationem estis adepti, ali-  
quo turpi facto fœdaretis. Sed ego vobis osten-  
dam, pl. numq; faciam, hoc bellum esse ad-  
modum facile, & tutum, Primum cum ijs  
vobis belligerandum est, qui nuper ex Asia

saluberrima prouincia aduecti, ob insoliti ac mutati cæli commutationem, vehementi morbo conflictatur. Pauci enim sunt qui ut ex trans fugis cognouimus, ex intestinis, hoc est (ut medici dicunt) fluentis ventris vitio, & sanguinis profluvio non laborent. Sed fac eos esse firma corporis valetudine: possunt Asiani imperiti, rudes, molles, imbelles, semiuiri, & penè victi cum prudentib. exercitatis, duris, masculis, bellicosus & victiorib. Italis comparari? Asiani ad otium, lasciuiam, & voluptatem nati, aurum potius quo abundant, quàm ferrum tractare nouere: arcus sagittas quibus hæc natio plurimum utitur, ad ostentationis potius quàm ad fortitudinis speciem gestant. Cumq; in summa rerum affluentia, & copia educati sint, ijs rebus maximè ducuntur: quæ ad effæminandos animos, corrumpendaq; corpora plurimum valent. Inter exoletorum greges, quibus supra modum delectantur, in intempestiuis commensationibus vitam traducunt, pericula inuiti adeunt, labores non nisi coacti suscipiunt, nec in bello virtute magis, quàm dolo, & insidijs nituntur. Itali contra licet in opulentissima regione nati sint, Italia enim fertilis est, & ubertate agrorum, & varietate fructuum, et copia omnium rerum quas ubi que terra



I A. PELVS. CROT.

creat, facile omnibus locis antecellit: tamen cum lacte nutricis lucta, & saltu cum æqualibus certant, venationi student, inaccessus saltus lustrant, valentissimas bestias venabulis transfigunt, in bello virtute, & non dolo contendunt: in voluptatis loco habent feruente, rigenteq; cælo, aperto capite iter facere: humi sub dio quiescere: arduos montes incitato cursu transcendere: fluuiosq; rapidissimos summa hyeme natando superare. bella inferunt, illata propulsant, pro focus, & aris inferrum, & flammæ duo maxima mala ardent se iniiciunt: & (vt paucis multa complectar) Si quemadmodum Germania vnum tantum imperatorem habet, vni regi Gallia paret, vniusq; regis nutu Hispania gubernatur: ydem quoque vno rege, aut imperatore regerentur, non modo maiorum nostrorum negligentia dixerim? an socordia an vtraque potius? iandiu amissum sacrosanctum Christi sepulchrum, omnia oppida, & castella Cilicie, Põti, Cappadociae, Paphlagoniae, Mediae, Syriae, Mesopotamiae, Phœnicie, & Arabiae, e manibus immanium barbarorum eriperent, totaq; Pannonia, & possessione maris Aegæi eos deturbarent: sed etiam vniuersam Asiam, atq; Africam amplissimas regiones quæ illis iure bellico, & hæreditario debentur, Christiano nomini vindicarent, Nec sanè mirum, ab

*ij*s enim maioribus se ortos esse gloriantur, qui intra tres & quinquaginta annos totius ferè orbis gentibus, ac nationib. bello domitis imperauerunt: rerumq; gestarum famam non terræ, sed cæli spatij, & regionibus terminauere. Siquis (dys, hominibusq; inuitis, ac improbantib.) dixerit. Italis nunc vna cum imperio rem militarem concidisse, priscamq; illam animorum ferociam, & vigorem elanguere: hunc ego (nisi ad propositam breuitatem mea fostinaret oratio) tantum a vero abesse ostenderem, vt magis a vero abesse non possit. Sunt enim hac nostra ætate pedites, equites, centuriones, antesignani, tribuni, in disciplina bellica veteribus illis non inferiores: sed quid ago? quò me transuersum rapitis Itali? sine te quæso me rem institutam persequi, nam vobis spondeo, in meq; recipio, commodiore loco de vestra incredibili virtute, rebusq; præclare gestis dicturum. Deinde Afros quos e circumiacentib. Numidiæ insulis Dragutes in speciem potius pugnantium quàm in ipsam pugnam euexit, cum robustissimis Hispanis conferes? qui in nulla re libentius quàm in armis acquiescunt: sine ijs vitam acerbam, atque insuauem esse ducunt. Quis eorū virtutem, industriamq; in bellis non admiretur? vnusquisque eorum non æquè ac rei bellicæ peritissimus imperator callet iaculum emittere, hastā

# I. A. PELVSII CROT.

vibrare, signa sequi, ordines seruare, obsistere, circumire, discurrere, pugnam e dextro cornu in sinistrum, e sinistro in dextrum, aut in medium agmen (si ita res poscit) mutare. Afri arcus intendunt, sagittisq; feriunt: Hispani archebusia disflodunt, plumbeisq; glandib. exanimant: Afri equis auersis ad fugiendum, Hispani conuersis ad insequendum vtuntur. Afri iaculis eminus emissis, felium more puluerem in oculos dimicantium iniiciunt: Hispani contortis bastis, gladijs cominus punctim magis quam casum petunt, aduersaq; corpora intentis mucronib. perfodiunt. Quid dicam de inuictis bello, & exercitatissimis in armis Germanis? qui in frigidissimis locis positi, malis orbiculatis (vt de Cæsarianis militib. dicere solebat Cælius) pastis, corpora ceteris firmiora, & ad vsum belli magis idonea habere videntur. Quod oppidum loco & natura tam munitum? quæ provincia tam firma præsidijs? quam si benè se egestate, inediae tolerantia, ac patientia rerum omnium durarint, expugnare flammaq; & ferro perdere nō possint? quæ uis armorum tam bene instructa, & ad dimicandum paratissima, quam primo congressu perfringere, et labefactare nō queat? Taceo de Gallis, qui militiæ dediti, persuasum habent, nihil esse tam arduum, aut factu difficile, quod si illuc

acceſſerint, non poſſint armis explicare: omnes terras quas armati adiere, ſecundo ſemper victoriæ curſu peruagati ſunt: & (quod maximè laudandum exiſtimo) rem Chriſtianam aduerſus barbarorum iniurias peculiari ſemper ſtudio protegere, eiſq; terminos proferre, atque ampliare pro virili parte ſtuduere. Si cauſa cum cauſa conſiſget, veſtra ſine dubio præponderabit; a vobis ſtabit verecundia, probitas, clementia, ius, temperantia, continentia, fortitudo, prudentia, ſapientia, omnes virtutes deniq; ab illis petulantia, improbitas, crudelitas, iniuria, libido, luxuria, ignauia, temeritas, inſania, ac vniuerſa vitia. Vos pugnabitis auſpice Chriſto, deo immortalis, & potentiffimo, pro libertate, ſacra & pura religione; Illi duce Mahumete, nefario & ſcelera tiſſimo homine, pro ſeruitute, profana & contaminata ſuperſtitione, Sed dum mecum cū animo meo cogito, atque in omnes ditionis Chriſtianę partes introſpicio, quẽ potiſſimum e Chriſtianis principibus, regibusq; deligam, ac videam, cui hæc prouincia demãdetur. Tu Philippe qui et belli ad miniſtrandi facultatem, et Chriſtianæ Reipub. ſalutẽ in manu habes, primus occurras, primusq; ante oculos obuertiſaris. Cum Solis luce clariuſ ſit, te vnum regẽ eſſe, in quo ſumma ſint omnia nihil omnino aliud abſ te petimus, quàm vt hoc bellum

I. A. PELV SII CROT.

contra Turcas suscipias, causam ad te transferas, tuam putes esse, enitare, contendas, efficias, intelligent in se conferri pestem istam, quam in nos machinantur. Quod ut facias multa te adhortari debent: nam quæ multis ante seculis in multis regibus fuerunt virtutis ornamenta; ea omnia in te solo refulgent. Natus es e regia stirpe, siquidē paterno genere e Romanis imperatoribus, mater no autem ex Hierosolymitanis regib. es oriundus; quorum virtutes, honores, res præclare gestas, victorias, triumphos, trophæa, laudis insignia, & ornamenta gloriæ, omnes statuæ, omnia mar mora, obelisci, & pyramides loquuntur; omnes annalium, & historiarum scriptores literis, & monumentis mandauere. Tuus abauus Federicus, proauus Maximilianus, auusq; Philippus in omni quidem virtutum genere floruerunt, & cum quolibet priscorum heroum laude, & gloria possunt comparari. Hos omnes Carolus Quintus Rex, & Imperator Augustus, rei militaris peritia, & felicitate, longo post se intervallo reliquit; qui quidē, etsi utroque tempore & belli, & pacis clarissimus fuit, & non modo eorum imperatorum, & regum quos nos ipsi vidimus gloriam, sed etiam eorum de quib. aut vnquam audiuius, aut apud bonos auctores legimus, memoriam sua eximia, & singulari virtute superauit; in nulla tamen re  
mihi

mibi maiorem laudem meruisse videtur, quàm quod te Philippe inuictissime filium prudentia, iustitia, temperantia, fortitudine, & omnium bonorum muneribus ornatissimum procreauit: & felici quadam nostra sorte, vel potius diuina prouidentia beneficio tanti regni heredem, tantæq; fortunæ successorem reliquerit: certissimis indicis, & rationibus tuæ virtutis indolem iam inde a puera satis spectatam heros prudentissimus cognoscebat, & qui tam magni imperij clauum in turbulentissimis bellorum motibus, durissimorumq; temporum tempestatib. regere, & administrare posses. Nec spes eum frustrata est: vix enim ex ephebis excesseras, tuæ pietatis, clementiæ, & sanctitatis fama totum orbem terræ peruaferat. Hoc tanto nomine impulsas, cum dote summa ultro tibi nupsit Maria Britannia regina, de cuius vitæ integritate, & sanctissimis moribus, si esset narrandi locus, ea dicerem, quæ vix caperet humana coniectura mentis. Sola enim cum Britanni omnes a vera pietate, & sacrosanctæ Romanæ ecclesiæ institutis deficerent, et de orthodoxorum Theologorum sanctorumq; patrum decretis, aliter ac nos sentirent, in ea disciplina, quam a Catharina matre letissima, & sanctissima scæmina didicerat, permansit: eamq; usque ad extremum sue vitæ spiritum constantissime retinuit. Auspi-

17  
I. A. PELVSII CROT.

catò sanè in Britanniam traieceras, nuptijsq; de  
more celebratis, nihil tibi fuit antiquius, quàm  
ut illi insulæ diu vagæ, & a vero cultu aberran-  
ti, pristinus splendor, statusq; redderetur. Quod  
quidem breuissimo tempore sic perfectum est, ut  
Paulus Quartus Pontifex Maximus incredibili  
lætitiâ perfusus, illis populis reditum ad sanita-  
tem, piâmq; religionem gratularetur. Sed atten-  
dite quæso animos auditores humanissimi, dum  
paucis ostendo, quàm pacis, quietisq; studiosissi-  
mus idem ipse Philippus fuerit. Cum Henrici  
Gallorum regis exercitum florentissimum conci-  
dere, multasq; eius vrbeis præsidys firmissimas,  
in suam potestatem redigere posset: tamen pacifi-  
catione potius, quàm illius exitio tantam tempe-  
statem tam latè furentem, ac dabacchantem se-  
dandam statuit. Qua in re illum ego suo patre  
tanto præstantiorem esse iudico, quanto bello  
pax melior esse videtur. Bellum fortissimos quos-  
que milites pigneratur, agros vastat, exitium  
omnibus parat, vetustis vrbibus aratrum indu-  
cit, victos agris, ac vrbibus multat: populos bo-  
nis fortunisq; spoliât, verum a falso, sacrum a  
profano non internoscit: patres in filios, filios  
in patres, fratresq; aduersus fratres ad interi-  
tum vsque armat. At contrâ pacis tempore  
agricultura exercetur, rerum commercia tra-



Flantur, honores diuis cælitib. tribuuntur, pie-  
 tas, fides, iustitia, religio, dei metus vigent:  
 bonæ literæ, artes, et disciplinæ florent: et unus-  
 quisque denique vitam felicem, ac beatam degit.  
 Triumphauit Carolus Quintus multa cum laude  
 de Pænis, Germanis, Sycambriis, Gallorum co-  
 pias ad Morinum in fugam vertit, apud Ticinum  
 maxima strage afflixit, ipsumq; Franciscum re-  
 gem multis ante bellis inuictum, non modo cæ-  
 pit: verum etiam captiuum per triumphum du-  
 xit. Gandauenses in Flandria res nouas molien-  
 tes compescuit, magnam partem Indiæ post Co-  
 lumbum Ligurem, multis ex Hispania intentatū  
 priorib. seculis Oceanum pari audacia, & felici-  
 tate nauigantibus, in suam potestatem redegit.  
 Solymantum Viennæ muros artissimè obsidentē,  
 Byzantium suam regiam turpissimè profugere co-  
 egit: totamq; Insubriam diocesim suæ diuioni  
 subiecit. Sed hæc omnia (si verum fateri volu-  
 mus) multo suorum sanguine, & fortium vi-  
 rorum morte illi constituere. Diuersa fuit tua ra-  
 tio Philippe sapientissime, qui regno patrio,  
 auxq; contentus, tuos populos quieto ocio ma-  
 luisti, quàm perturbato negotio continere.  
 Multæ sunt regiæ, imperatoriæq; virtutes,  
 clementia, humanitas, pietas, religio, iustitia,  
 æquitas, continentia, disciplina bellica,

magnanimitas, liberalitas, sed nihil mehercule  
magis regium, atque imperatorium esse iudico,  
quàm subiectarum gentium securitati, & commo-  
ditati providere. Quod quidem cum tumultus ex  
tumultu, ac bellum ex bello seritur, vitaq; in ca-  
stris inter arma traducitur, nullo pacto perfici po-  
test. Sed nequis obijciat, nam obijcere potest, &  
obiecturum puto, animos hominum pugnandi de-  
suetudine ignavos, desidesq; fieri. Quod etsi non  
omnino verum est, & rationum vi, exemplorūq;  
copia facile possem propulsare: tamen ne iuxta  
illorum sententiam virilis animus intermissione  
armorum effœminetur atque obtorpescat, ferri  
aciem tuiq; imperij vires in Mahumetanos con-  
uerte. Qui varijs principum Christianorum dis-  
cordijs, continuisq; dissidijs magni, formidolosi-  
que facti, Melitenses vallo, & fossa tot menses  
clausos tenent, & ex altera parte falcatos enses,  
& cædem, ex altera flammam, & servitutem in  
omnes Christianos ostentant. Bellum est eiusmo-  
di, quod te Christianorum regum facile principem  
pietatis commendatione, & militiæ disciplina in  
primis præditum, maximè stimulare, atque ex-  
citare deberet. Christianæ religionis dignitas in  
extremo periculo est, quæ olim a duodecim illis  
sanctissimis viris, quos Christus ad diuinas leges  
populos docendos potissimum delegit, per totum

orbem vulgata, in admodum angustas nunc angustias adducta est. In Palestina, Aegypto, Licania, Aethyopia, Scythia, Syria, Hircania, India, Arabia, Armenia, in insulis Mitylenè, Achaia, Peloponeso Eubæa, Rhodo, summo honore, & reuerentia culta est. Africam tenuit, Asiam quam longa, lataq; est, peragruit, & (ne de re notissima tecum agam pluribus) in omnes terras exiit sonus eius, & in fines orbis terræ imperium eius. Nunc ex ijs omnibus locis, a Mahumete, & nonnullis etiam ex Europæ urbibus a Martino Luthero eiecta, nisi celerrimè occurreris, in periculo est, ne e Melita quoque eijciatur. nam si (quod absit) victa victoris leges acceperit, velit, nolit, ei seruiet, & Mahumetanae superstitionis sacra, institutaq; sequi cogetur. Quamobrem expergiscere aliquando, & sacros nobilesq; equites Melitenses fide, religione, & armis tibi coniunctissimos, ab inusitato genere obsidionis eripere veræ religionis cultum, Melitæ salutem, cum incolumitate tuorum regnorum defende. Si Melita hoc tempore tam difficili, & misero loqui posset: his vocibus (mihi crede) apud te vteretur. Illa ego Melita pro qua quondam Populus Romanus gentium victor, ut a barbarorum manibus eriperer, Pænis bellum indixit, noctes & dies misera oppugnor, conuellor, vrro, vi, atque impressione

euertor. Illa ego Melita quam triginta abhinc annis tuus pater rex & imperator liberalissimus pariter et augustissimus, diui Ioānis militib. dedit, ut illi tantummodo procurationem haberent, ius & imperium eius penes te esset, obsidione undique oppressa, in squalore, & lacrymis vitam ago, & in periculo sum, ne ibi sim, ubi esse debeam: quod ne fiat, in tua sola manu est. Utinam reuisceres Carole Quinte non indigeres profecto hortatore, ut quā posses maximis navigationibus hac cum exercitu trañceres: sed tua sponte barbaris istis minacibus, & arrogantibus bellum inferres: Numidasq; illis scelere, & audacia finitimos hinc præcipites in Numidiam usque, unde profecti sunt, cū maximo suo malo summo-ueres. Vide audacter, & aperte nimium hæc dicorex, ne ut patri tuo pulcherrimum fuit, me his sacris nobilibusq; equitib. dare: sic tibi turpissimum sit, meum patrociniū deserere, & hostem inimicissimum tuis fortunis magis inhiantem, quā meo excidio imminentem negligere. Per maiestatem imperij tui te obsecro, atque obtestor, per memoriam demortui Caroli patris, per spem surgentis Caroli filij, per amorem Christianæ religionis provide iterum, atque iterum, ne per cessationem, moram, & tarditatem, amplius periclites: Eripe

vitam ciuium a ferro: prohibe penates a flamma:  
protege urbem a solitudine: defende agros a va-  
citate: serua pudicitiam virginum ab effrenata  
libidine barbarorum libera equites, & præse-  
ctum diui Ioannis a turpissima seruitute: tuere  
me denique vniuersam ab hoc inaudito prorsus  
& tristissimo genere calamitatis. Tuæ partes  
sunt hæ rex, tuæ maiestatis est, tuæq; pietatis, ut  
hæc mea mala non acerba, & luctuosa, sed plus-  
quam acerba, et luctuosa, per te aliquando desi-  
nant, per tuam operam, laborem, & sapientiam  
aliquando recreer: & Sicilia, et Italia tanto in-  
cendio vicinæ, e faucibus tam acerbi fati liberen-  
tur. De tantis tuis in me meritis nulla vnquam  
posteritas conticescet, omni eloquentia, omni in-  
genij vi, omni vbertate orationis perpetuo cele-  
brabuntur, alentur, & crescent. Si hæ Melitæ  
voces quicquam te mouent rex clementissime,  
quàm maximas potes copias arma: & eam  
quamprimum ab Asiana, Afrag; feritate mise-  
ram libera. Quis est qui non sentiat, non solum  
tui aduentus fama, verum etiam tuo solo nomi-  
ne, & auctoritate hostium impetum, & petu-  
lantiam reprimi, atque retardari posse. Meliten-  
ses, & milites diui Ioannis Hierosolymitan-  
ab hoste crudelissimo vndique obfessi, populi  
lati, atque indignissime vexati, a te auxi-

lium implorant, supplicesq; rogant, & orant, ut se dignos existimes, quorum non iam commoda, & fortunas, sed vitam, salutemq; totius insululae defendas. Per deum immortalem pro tua prudentia (quae maxima est) negotium hoc paulisper apud te expende, re ipsa cognosces, si animum ad bellum induxeris, nihil esse quod possit impedire, quo minus ex animi tui sententia illud conficiatur. Habes arma, opes, praefectos, nauarchos, primipilos, signiferos, centuriones, ac milites fortissimos, imperatorem rei militaris (ut volebat Pausanias) peritissimum: classem rebus necessarijs instructam, occasionem rerum gerendarum opportunissimam: Vnum tibi timendum est, o rex ignosce quaeso, si tua humanitate fretus, liberius quam tuam decet maiestatem loquor: vnum inquam tibi timendum est, ne ad tuae gloriae plenitudinem confirmandam, atque stabiliendam, ipse tibi defuisse videare. Praeterea delenda est tibi illa macula apud Meningem superiorib. annis suscepta: quae adeo penitus insedit, atque obliuione obruta est, ut is qui intra paucos dies duos tuos duces, alterum classe, alterum castris exiit; non modo adhuc poenam nullam suo dignam scelere dedit: sed tanta victoria elatus, adauctis copijs, ac ingenti classe comparata, vastat agros Melitensium, regionem populatur, pra-



fectum diui Ioannis Hierosolymitani oppugnat, multosq; oppidanos, & milites prædiarios trucidat. Romani viri omni laude dignissimi pro Ario barzane regno expulso, admodum graue, & periculosum bellum contra duos potētissimos reges, Mithridatem, & Tigranem susceperunt. Pro legatis iniuriosius tractatis, Corinthū totius Achaie Metropolim, Græcarumq; vrbium lumen, disiectam, atque extinctam esse voluerunt. Propter socios, atq; amicos nulla ipsi iniuria laceßiti (vt apud Ciceroneum legimus) cum Antiocho, cum Philippo, cū Aetolis, cum Pœnis bella gesserūt. Tu bellum hoc ita necessarium, vt sit gerendum, ita magnum vt sit extimescendum, contra hostes tam feros, tam crudeles, tamq; nomini Christiano infestios non sumes? præsertim cum in eo non solum veltigalia, prædiorum fructus, & fortune Melitensium, sed religio, gloria, & nostra omnium salus agatur. Carthaginienses qui diu de imperio orbis cum populo Romano, vario ancipitiq; Marte certauere, Afris Lilybetanisq; acri obsidione obsessis subsidium misere: siquidem Hannibal Amilcaris filius decem hominum millibus quinquaginta triremib. quib. præerat, impositis: apud Bujas insulas secundam auram nactus, passis velis portum ingressus, milites incolumes exposuit. eius cursum consules Romani qui cum du-



# 14. PELVSII CROT.

centis nauib. in proximo sinu erāt, neque impedierunt, neque cum eo prælio congregi ausi sunt. Pari audacia, & felicitate Andreas Auriā non solū recentiorum verum etiam veterum clasfis præfectorū maximus Corone ( quod oppidum est in Peloponeso ) terra mariq; vehemēter obsessæ succurrit : ac per mediam hostium classem ; quæ apud Acritem promontorium obuersis in altum proris longo ordine iuxta littus stabat, cursum adiuuantibus Etesiis tenens, in portum delatus est : præterq; omnium spem, & expectationem expositis subsidiarijs copijs, frumento, & reliquo commeatu, ad insulam Ticanusam venit : vnde cum e Methonensi portu hostes ad pugnam naualem elicere non posset : Messanam est reuersus. Tu rex cum habeas longarum, & onerariarum nauium classem haud contemnendam, præfectum maritimi bellis scientissimum, trierarchos, classarios, & propugnatores summa virtute, & prudentia, Melitæ quæ Syracusis ( vt Diodorus Siculus non incelebris auctor ratione collegit ) stadys octoginta abest : opem, auxiliumq; ferre in tam necesario, difficiliq; tempore times : cum nullus præsertim metus ab hostium classe tibi immineat. Nam etsi duplo ampliore triremium numero quā tua est : magna tamē ex parte ( vt exploratores referunt ) voluntarijs remigib. feruisq; catenatis, quorū

opera ad remos vitur, nudata est. multosq; ex-  
 naumachiaris, & bellatorib. in tot, tantisq; ar-  
 cis diui Ermi oppugnationib. interfectos deside-  
 rat: nec in vna statione stat, nam vna statio tot  
 naues sat commodè capere non potest: sed quid  
 ego externa commemoro? cum habeam domesti-  
 ca, & magis propria. Pater tuus imperator, &  
 rex diuinus potius, quàm humanus, expeditionem  
 aduersus Algerium, olim Iuhæ regiam, a Roma-  
 nis Casareâ Iuliam vocatum, suscepit: ut illinc  
 Asanagam bello insignem, & prædones Turcas  
 qui totam oram maritimam Hispaniæ prædaban-  
 tur, eijceret. Quod iam efficisset, nisi fatali qua-  
 dam aduersorum ventorum coniuratione turbu-  
 lentissima coorta tempestas, classem diu fernenti  
 aestu iactatam, littori illisisset, totumq; illud ma-  
 re naufragis, cadaueribusq; compleuisset. Tu ut  
 Melitenses tuos, & præfectum, & milites diui  
 Ioannis ab atrocissima obsidione eripias, tuisq;  
 populis, & regnis pacem perpetuam parias:  
 pugnam contra hostes tuas provincias cæde at-  
 que incendio vastare cupientes, totamq; rem  
 Christianam ad exitium, & vastitatem vocan-  
 tes, detrectas. Pater tuus imperator, & rex nō  
 ut in terris natus, sed tanquam de cælo dela-  
 psus, ut Ariadenū qui ab Acnea barba Barba-  
 russæ cognomentum inuenit, e Tunctano regno

# I. A. PELVSII CROT.

eijceret, illudq; Muleassi antiquissimæ stirpis regi restitueret: incredibili celeritate, ac diligentia multarum ætuariarum et longarum nauium classem instruxit. Tu vt e nostris ceruicibus grauissimum seruitutis iugum quod nobis (Melitam terra; marique; immanissimis nostræ religionis hostibus. obsidentibus.) imminet, depellas, classem e naualibus educam, armatisque; epibatis atque reb. omnibus ornatissimam e portu soluere prohibes. Pater tuus rex, et imperator immortalitati, & cælo consecratus, pro Christi religione tot martyrum interemptione stabilita: tot doctissimorum Theologorum scriptis illustrata: tot sanctissimorum pontificum decretis communita: contra Germanos, gentem bellicosissimam, & in armis exercitissimam bellum admodum exitiale, & extimescendum suscepit. Tu rex neque rei militaris disciplina, neque opibus. illo inferior, pro eadem ipsa religione, qua hominum generi melius, præstantius, ac maius a deo munus nullum est datum, nec vnquam dabitur: cum Turcis multitudine inermi, & neque natura, neque exercitatione robusta, manus signaque conferre formidas. Vide, rex cum bona tua venia hec dico, ne tibi turpe sit ab inuictissimo tuo patre (cuius vestigia sequi debes) degenerare. At Pialis & Mustaphas classis, & exercitus Solymani præficti, quadraginta millia peditum

in castris habent, & numero triremium longè superiores sunt. Quid tum? num ista multitudine hominum, ac nauium, an virtute virorum, qui in eis sunt, metienda, diiudicandaq; existimas? Oues quidem multæ sunt, sed ab vno lupo deuorantur omnes. An illis fortiores milites, ducesq; rei bellicæ disciplina perfectiores? Cui non nota virtus, & felicitas Garsie Toleti tuæ classis præfetti? quæ etsi in multis bellis enituit, in nullo tamen magis, quàm in Aphrodisiensi. Nam cum Aphrodisium (quod oppidum in Adrumentino sinu positum) valido Turcarum, atque Afrorum præsidio teneretur, multisq; operibus oppugnatiue vehementissime, nulla vi, nullaq; arte capi posset; machinam excogitauit: qua facile expugnatum est. eadem solertia, & felicitate Pinnonem arcem loco, & natura munitissimam (præciso enim vndique scopulo imposita, qui porrectus in mare pineæ nucis vnde nomen habet, formam efficit) ad tuum imperium adiunxit, aditumq; tibi ad occupandam Cæsaream Iuliam patefecit. Idem duas arces in faucibus bosphori Thraciæ sitas æneis tormentis diuerberauit, Byzantiumq; portum celeberrimum inspectante Turcarum rege diripuit. Idem nauiculatores, ac negotiatores metu soluit, prædonibus qui vbique nostrum mare prædabantur, partim captis, partim interfectis. Age vero

# I. A. PELVSII CROT.

nunc pauca audi (si tibi graue, & moleſtum non  
 eſt) de eius induſtria, & diligentia. Cum tanta  
 imminentis belli fama vereretur, ne Pialis &  
 Muſtaphas mandato tyranni cum ſumma belli  
 poteſtate in Numidiam, ad occupandam arcem  
 Guletam traſcerent, illuc ante nauigauit, vt ei  
 de militib. re frumentaria, ceteriſq; rebus belli  
 vſui neceſſarijs, aſſatim prouideat: ne ingruente  
 hoſte, imprudens, imparataq; obrueretur: &  
 quoniaꝝ Solymani mentem multis Mæandris, et  
 Labyrinthicis flexib. inuolutam ſatis perſpectam  
 non habebat, & de provincia Sicilia vehemen-  
 ter dubitabat, Catinae, Cephaledi, Drepano, Lily-  
 bæo, Milis, Panormo, Thermis Hymereſib, reli-  
 quisq; urbib. quæ in periculo eſſe videbantur, ne  
 à barbaris improuiſa, repentinaq; impreſſione di-  
 riperentur: firmiſſima præſidia imponit, ſingu-  
 liſq; ſolertes, & diligentes præfectos præſcit: vt  
 validis operib, munitionibuſq; breui ab illis firma-  
 tæ, ab omni hoſtium impetu tutæ redderentur.  
 Ipſe vbi remigib. & naumachiarijs triginta tri-  
 remes quas e tota claſſe validiſſimas delegerat,  
 compleuit, ac notæ virtutis propugnatores in ſin-  
 gulas diſpertit, ſumpta parte cibariorum, & re-  
 liquo comeatu, ſecunda noctis vigilia Meſſana  
 ſoluit, ventisq; proſperè flantibus illius partis  
 Sicilia pelagus emenſus, quod Syracuſas, &

Lilybaeum pertingit, Melitam peruenit, ubi ex consuetudine, honoris causa, inanibus aeneorum tormentorum bombis displosis, vix e pratoria quatriremi scapha in litus se delatum animaduertit, cum ab equitibus antesignanis diui Ioannis Hierosolymitani qui ei officij causa obuiam processerant, perofficiosè, ac peramanter exceptus, ad magnum magistrum deductus est: quocum solo solus post mutuos complexus, salutemq; vltro citroq; dictam, in cubiculo multa de bello (ut credere par est) loquutus, cum tota classe in Numidiam, quò destinauerat, traiecit: portumq; ingressus, incredibili lætitia, a Guletæ arcis præfecto mira prudentia, sapientiaq; prædito acceptus, archestria militaria multis acutis lanceis instructa, aenea tormenta per muros in suis fenestellis miro ordine disposita, turres, & propugnacula suis firmata præsidijs recognouit. In armamentario baliſtas ad magnos lapides in hosteis iaciendos complures, arma, & tela omnium generum, magnam pilarum, & sulphurei pulueris vim, bellicarumq; machinarum ad disturbandas hostium munitiones incredibilem apparatus inuenit. Laudat præfecti diligentiam, rebusq; futuræ oppugnationi necessarijs ordinatis, & militibus qui illic præsidio sunt relictī, admonitis, & priuatæ laudi, & Philippi regis glo-

I. A. PELVSII CROT.

ria vno eodemq; tempore prouideant, in Si-  
ciliam, ad suum munus, pensumq; reuersus est.  
Quid dicam de Ioanne Andrea Auria omnibus  
animi, corporis, & fortunæ muneribus adeo præ-  
dito, vt certissimis coniecturis colligere liceat, in  
naualib. pugnis longè clariorem, ac præstantiorẽ  
fore & Iannettino patre, cui similem nulla vn-  
quam secula tulere, nec ferent: & Andrea pa-  
truo, quem ego omnib. præfectis maritimis sine  
controuersia præpono de Ascanio Corneo Italo et  
Aluaro Sandæo Hispano, duob. præstantissimis  
ducibus (vt de Caribagine dicere solebat Salusti-  
us) tacere satius esse duco, quàm pauca dicere.  
Ecquem vnquam hominem quisquam vidit, ec-  
quem verè commemorare, aut producere potest  
consilio, ingenio, prudentia, grauitate, ceterisq;  
bellicis virtutib. Chiappino Vitellio parem? Si  
tuo exercitui præpositus erit, Turcicorum bello-  
rum pericula a tuis fidelissimis, fortissimisq; socijs  
facile propulsabit: Pompeius Columna tantis re-  
rum præclare gestarum ornamentis, militandiq;  
peritia præditus est, vt etiam his pessimis tempori-  
bus si ducem quem tuis copijs præficeres, inveni-  
re neminem posses; omnium fortium atque opti-  
morum virorũ consensu dignissimus reperiretur,  
qui tanti belli prouinciam gerendam susceperet.  
Sed o me immemorem, o me oblitum, Ioannem



& Casarem Danalos Istonij Marchionis filios,  
 disciplina bellica clarissimos penè omiserā, pera-  
 cri consilio, singulariq; prudentia rem tuam plu-  
 rimum adiuuabunt, & se tanto patre filios dignis-  
 simos præstabunt. Ecquis (nisi ingratus, & inui-  
 dus) Alfonso Sancium, Alfonsi Sancij iunioris,  
 consiliarij collateralis, & primarij Neapolitani  
 regni quæstoris filium tacitum relinquat? qui  
 nondum duodeuiginti annos natus, ætatem virtu-  
 te superans, veteranis tyro, viris adolescens, cor-  
 poris virib. & animi magnitudine antecire vide-  
 tur. Quantum de eius spectatissima indole speran-  
 dum sit, hinc facile apparet, quod in hastata con-  
 cursatione, quæ ad areolam diui Dominici tota  
 spectante Neapoli dieb. Bacchanalib. celebrata  
 est, omnium maximus fuit indicatus, & ab ipsis  
 brabeutis huiusmodi certaminum peritissimis in  
 virtutis, & victoriæ testimonium, anulo aureo  
 donatus est. Noli ergo rex inuictissime rudem, et  
 & inconditam Turcarum multitudinem extime-  
 scere: in quam si undique vno tempore impressio-  
 nem feceris, sine dubio certissimam victoriam re-  
 portabis. Romani milites quotiescunque cum hu-  
 iusmodi nationibus erant præliaturi, non quot es-  
 sent, sed ubi essent, solebant percunctari. Nec  
 alia ratione apud historiarum scriptores legimus,  
 imperatorum ingenio, & diligentia, maximos

# I. A. PELVSII CROT.

exercitus modicis copijs fusos, atque internecioni  
 datos: Euripides Tragicorum maximus vnicum  
 rectum consilium, vnumq; hominem rei milita-  
 ris peritum, & in bello non mediocriter versa-  
 tum, magnam militum manum vincere, memo-  
 ria prodidit. Sint in re militari admodum clari  
 Lysander, & Sylla: quod alter Antiocho mariti-  
 ma pugna superato, captisque Athenis: muros,  
 Piræumq; modulantib. tibijs, diruerit. Alter  
 quod Mithridatem Asiam, Paphlagoniamq; re-  
 linquere, Bythiniamq; Nicomedi: Cappadociam  
 Ariobarzani tradere coegerit. Sit omni laude  
 cumulatus Cæsar, quod vniuersa Gallia subacta,  
 Germanis, & Britannis perdomitis, bellisq; ciui-  
 lib. confectis, rerum potitus sit. Vebatur in calu-  
 Pompeius, quod infra quadraginta dies (piratis  
 impio latrocinio exultantib. dissipatis, fugatisq;)   
 mare Tyrrhenum, Libycum, Sardoum, Cyrneū,  
 atque Siculum expurgauerit. Admirantur multi  
 Cyrus, quod Persis adiuantib. Medis impe-  
 rium abstulerit. Nulla vnquam ætas taceat  
 Enagoram, Cyprium, quod Salaminam nouā quā  
 Artaxerxes multis copijs expugnare non potuit:  
 quinquaginta socijs quos secum duxerat, occupa-  
 uerit. Sit in æterna gloria Carolus Quintus,  
 (præ interdum de recentiorib. imperatorib. verba  
 faciam.) quod Turcarum Tyrannum potentissi-

num traiecto Istro, Pannoniam innumerabilib.  
copijs deuaſtante, e Vienna mœnib. quæ om-  
nib. machinis bellicis vehementiſſimè oppugna-  
bat, reiecerit; tantiq; belli periculum e ceruicib.  
Germaniæ depulerit. Magno præconio a rerum  
geſtarũ ſcriptorib. anteponeris (mibi crede) Phi-  
lippe omnib. ſi Turcis nobis infeſtiſſimis nauali,  
terreſtriq; prælio victis, Melitam e cuius inco-  
lunitate totius Europæ ſalus, & Reipub. Cbri-  
ſtianæ dignitas pendet, tanta mole mali libera-  
ueris, orisq; maritimis, & nautis ſecuritatem  
pepereris. Sed quoniam facile intelligo, te non  
meis rationib. & argumentis, quæ admodum in-  
firma, & imbecilla ſunt, ſed honeſtate ſola hor-  
tante, in animum induxiſſe, hoc bellam contra  
Turcas ſuſcipere, noſtrisq; laborantib. præſidia  
ſummitere, dum delectum in tuis regnis habes, et  
de traſcendendo in Melitam exercitu cogitas. Nos  
interea laudib. milites diui Ioannis, & Meliten-  
ſes ad cælum feramus: qui tot menſes ſine vlla  
externa ope, & ſubſidio, tam grauem preſſamq;  
obſidionē tolerāt, murosq; arietib. pilisq; tormē-  
tarijs diſiectos (in ſubeuntes incenſis ſelopettis glā-  
dium procellam, meteriamq; incendiariam effun-  
dentes) ab impetu, & impreſſione infeſtiſſimæ  
gentis viriliter defendunt. Quotieſcunq; eſt opus,  
hoſtium cuniculis tranſuerſis cuniculis obuiam

# I. A. PELUSII CROT.

eunt, nec solum illorum operam, et laborem ludi-  
ficantur, verum etiam multos in huiusmodi certa-  
minib, interficiunt. Sape eruptione facta, in ra-  
pidissimi torrentis morem in barbaros impetum  
faciunt: quos imparatos, atque inopinantes nullo  
negotio fundunt, fusosq; persequuntur: e fugien-  
tib, partim capiunt, partim trucidat, victoresq;  
multa signa militaria signiferis erepta ad urbem  
ferunt. Ipse vero nobilis, sacræq; militiae magnus  
magister cū hostis vicissim in urbem ingenti suæ  
patriæ more ululatu irrumpere conatur: scorteo  
thorace pectore munito, capiteq; minaci galea  
tectō, primus ad muros venit, dexteraq; acutū  
gladium stringens, clypeumq; sinistra ad exci-  
piendos ictus obijciens, fortem, & murificum  
agit imperatorem: nec si quid alicui negotij dat,  
confectum putat, ipse expedit, occurrit, vigilat,  
laborat, sitim, famem, æstum (qui in ea insula in-  
tulerabilis est) perfert, circumit, hortatur, monet,  
animos firmat, metum minuit, spem auget, alijsq;  
acriter pugnandi incitamentis, omnia præstantis-  
simi ducis munia obit: ut sperare liceat hoc viuo,  
& fospite, urbem in potestatem hostium nun-  
quam veniuram, quod Deus Optimus Maxi-  
mus faxit.

MELITAE OBSESSAE APUD

Proceres Christianos conquestio.

**S**UM Melite infelix terraq;, obfessa mariq;,  
 Sum Melite Othomano præda relicta truci:  
 Hei mihi quem regum nostra infortunia tangunt?  
 Hei mihi quis procerum vulnera nostra dolet?  
 Gallus opem non fert: non fert Germanus: Iberos  
 Auxilia afficio lenta parare mihi:  
 Non mihi succurrunt Veneti: non Martia Roma:  
 Nec pro me fortis Theutonus arma capit:  
 Quis letho eripiet? si diuus vota Ioannes  
 Negligit? & surda respuit aure preces?  
 Excidium iam cerno meum, iam cerno ruinam,  
 Aut igne, aut ferro mœnia nostra ruent.  
 Turca ferox arcem fundo deiecit ab imo:  
 Tormentisq; urbem nocte dieq; quatit:  
 Si capiet, Venetus frustra me flebit ademptam,  
 Sentiet & cladem Roma superba suam:  
 Gallus, & Hispanus, rex bello insignis uterque  
 Non poterunt populis imperitare suis:  
 Parthenope pendet victori victa tributum:  
 Seruitio discet Trinacris ora premi:  
 Omnia turbabunt quæ pulsant ære triremes  
 Aequora: qui posthac nauiget ullus erit?  
 Currite Christicolæ concordi pectore reges,  
 Sæuaq; fulminea bella mouete manu:

21 I. A. PELVSI CROT.  
Et dum fata sinunt, nostris e finibus hosteis  
Pellite, et in medio mergua transra mari:  
Si mihi non vultis succurrere ad ima ruenti,  
Nec vos hac facies tam miserranda mouet:  
Vestra precor moueat vos damna, et cernite q̄so,  
Ne quoque vos secum nostra ruina trahat:  
Nanque suo arbitrio toto quæ regnat in orbe  
Fortuna, hic certum nescit habere modum

AD REGEM PHILIPPVM.

Austriade regam cunctorum summe Philippe  
Castra moue, et lenibus linteis pande notis:  
Post captas Solymas, Rhodios post Turca suba-  
Et post in Libyco parta trophæa mari, (Etos,  
Trinacriæ insultans pelago, Austriacasq; phalā-  
Et summi temnens numinis arma tui, (ges,  
Bis centum puppès Melitæas duxit in oras,  
Atque armatorum millia multa virum:  
Scilicet affectat Siculis dominarier aruis,  
Et magnæ Hesperie subdere colla iugo:  
Et faciet, si tu tardabis mittere classem,  
Quæ eripiat socios obsidione tuos:  
Arx diui est Ermi penè expugnata cruenta  
Marte, & penè vrit barbarus ignis opes:  
Vidit pro muris genetrix occumbere natos,  
Consertemq; tori mæsta marita genuit.

Strage equitum, peditumq; madet iā terra nec  
 Cives tot pessunt millibus esse pares: (ultra  
 Quid stas? rumpe moram mersabis in æquore  
 Hostilem: vires Mars animūq; dabit. (classē

## DE TVRCIS A MELITA FUGATIS.

Nunc Deo grates sine fine agenda  
 Omnibus, motus prece qui fugavit.  
 Nostra ab excelsæ Melitæ ferocem  
 Mœnibus hostem:

Nauigat tutus Siculis in vndis  
 Mauta, Garsiam recinens sub alta  
 Puppe Toletum, simul & Bootem,  
 Seruat & Arcton:

In suis agris Melitæus agnos  
 Pascit, & fruges serit in paternis  
 Prædijs, ad quæ Solymanus ante  
 Castra locarat,

Virgines sanctæ, pueriq; casti  
 Pace iam terra, pelagoq; parta,  
 Ore ter pleno super astra lætas  
 Tollite voces:

Mista longævis senibus iuuentus  
 Lampadas gestet tepidas ad aras,  
 Et leucis plaudens pedibus cohoreas,  
 Carmina dicat,



I. A. PELUSII CROT.

Hostias mactet populus, focisq;  
Tura det sacris, timor est in hosteis.  
Versus inuisos: nihil est timendum

Rege Philippo.

Digna lux Thracum niueo lapillo  
Vna, quæ nobis bona tot dedisti,  
Te meis cæli numeris vocabo

Semper ad astra:

Gaudio per te Melite triumphat,  
Italos effert animos voluptas;  
Gratia Sicanis, simul & serena

Omnibus orta es.

Turca bis centum Melitæ carinis  
Littus implevit pede qui sinistro,  
Bosphorum Thraces petijt cruentis

Victus in armis:

Quas ab Aegypto iuuenum phalanges  
Traxit, ac fortes Asia cateruas  
Terga verterunt: bona pars corusco

Ense recisa est.

Insulæ cunctam populatus oram  
Classe, flagranteis mirabatur igneis  
Oppido; & ciues miseros premebat

Obsidione:

Ecce Garsias animosus heros,  
Fortis, & felix, Borea secundo  
Hostibus cinctam peditum cohortes

Vexit ad urbem;

Sospes vt terram tetigit iuuentus,

Crathidis flumæ ruit instar vndæ;

Dat graueis fuso iugulacus hostis

Sanguine pœnas.

Maiores in pontum data pars propinquum,

Traçta pars tergo est manibus reuinctis;

Pars humum testis procul a paternis

Ore momordit.

Aspicias præsens valeat quid vnus?

Dux bonus quantum iuuat vnus? acer

Miles & quantum bene præparatus

Possit in armis?

Vatibus doctis, & amica Phœbo

Grandius dicta mihi Musa carmen,

Laude quod possit comitante cunctas

Visere terras.

Barbaros bella domiturus hosteis

Arma Garsia duce Rex Philippus

Apparet: Turcis spolia ampla cernet

Marte subactis.

Aurifer fuluas Tage volue arenas,

Sub tua current ditione Orontes,

Hebrus, & Tigris, tumidiq; septem

Hostia Nili:

Serviet Maurus vetus hostis oræ

Italæ, Meninx sceleris datura est.

1 A. PELVS. CROT.]

Debitas pœnas, Tripolim cremabit

Ignis Iberus.

Deniq; insignis peccate, & armis

Cuncta Garsias domitabit vnus

Oppida, & reges, populosq; regum

Perdet & vrbeis.

AD ALFONSV M SANCIV M AL-

fonsi Sancij Iunioris, primarij Neapolitani

Regni Quæstoris, & Consiliarij

Collateralis filium.

Hostis æterni Solymane Christi,

Nominis nostri, fideiq; sanctæ,

Mitte Sebetho, Tyberi, Tagoq;

Vincla minari:

Quas tibi Aegyptus peditum cohortes

M. sit & turmas furiosa Thrace,

Cædet Alfonsus rigido tremendus

Sancius ense:

Aequat heroas pietate, & armis,

Siue eques fertur medios per hosteis,

Seu per obstanteis pedes it caternas

Cuspide pugnax:

Classis iratis populata diuis

Littus, & campos Melitæ potentis,

Debitas pœnas dabit in propinquo

Mersa profundo:

Cerno diuulsas humeris pharetras,  
 Cerno direptos clypeos sinistris,  
 Dexteris aptos gladios, ducesq;  
 Marte subactos.

Noster hoc tanto duce rex Philippus  
 Iura brachatis dabit, æquæ Medis,  
 Et Schytas, Dacos, Arabas, Getasq;  
 Iunget Iberis.

Da puer vati citharam canoram,  
 Carmen vt dicat, quod in omne viuat  
 Tempus: & totum volitet per orbem,  
 Aureaq; astra,

AD IANVM CAESARIVM CONSEN-  
 tinum præceptorem suum.

Dulce Musarum decus, & voluptas  
 Iane præclara sate stirpe auorum,  
 Sponte miserunt mihi docta multi  
 Carmina vates:

Digna sed dici medio in theatro  
 Nuper optanti mihi quæ dedisti,  
 Ceteris multo meliora nobis  
 Visa fuere:

His lapos possem, rabidasq; tigreis  
 Ducere, & cursum Ligeris morari,  
 Ac truces sæuæ Lachesis sorores  
 Reddere mites:

I. A. PELV SII CROT.

Hinc tuum nomen super astra tollam,  
Et tibi grates meritas habebo,  
Mente dum sana reget hos valenteis  
Spiritus artus.

Crathidis Nymphæ pia turba Phæbi  
Si choros vestros potiore plectro  
Cantat, in Sylâ redimite frontem  
floribus ortis:

Cinctus ut crineis rutila corolla,  
Altius classem resonet Philippi  
Regis instructam Siculis ab undis  
Pellere Turcas:

Nanque rex ingens Asiæ, potentis  
Imminens regno Italiæ, & Triquetra,  
Curua bis centum Melitæ carinis  
Littora texit.

EQVITVM CAESORVM TVMVLVS.

Qui bellum sancta pro religione gerentes  
Hostis fregerunt arma, minasq; sui;  
Viribus hanc summis pugnando et robore palmâ  
Concordes equites præposuere sibi:  
Lethifera oppetere egregiam per vulnera mortē  
Ante: hosti quàm se dedere velle truci.  
Pro tanto hoc illis merito, tantoq; labore,  
Iuppiter Elysium donat habere nemus.

AD GARSIAM TOLETVM RE-  
gia classis præfectum, & Sici-  
lia præsidem.

Quæ mora Garsia in Siculis te detinet oris,  
Ne misera venias auxilio Melitæ?  
Si tota Austriadæ instructa est hoc tēpore classis:  
Turca potest nulla sæuus abire fuga.  
Solue rates, tibi certa satis victoria fulget:  
Fatidici vates omnia lata canunt.  
Auspicijs nostri regis tantum aspera bello  
Gens nulla est: quam tu non superare queas.

AD PHILIPV M HISPANIA-  
rum Regem.

Cæsaris Austriadæ proles animosa Philippe  
Qui sanctæ fidei tutor es, atque decus:  
Cur sinis Eo qui regnat in orbe Tyrannum  
Innumera pelagus findere classe tuum?  
Dirus Turca sacros equites, equitumq; magistrū  
Oppugnat: Melitæ vastat & vrit agros.  
Si te tot tangunt Melitensia funera: si te  
Rex tot terra mouet strata cadaueribus,  
Affer opem, potis es quoniā, duce et auspice forti  
Garsia vinces: Parthica & arma premes.